

光緒鎮海縣志

鍾海縣志卷三十二

藝文下

集

宋

曹粹中遺藁

攻媿集樓鑰撰其子虛墓志云中奉詩易皆有所遺案自甲至辛凡八帙尙可傳遠也

沈煥家集

平園續藁宋志無家字寶慶志作文集全祖望曰四先生之遺文惟沈集絕不可見惜夫

孫枝海上藁

榮陽外史集

王宗道詩文五十卷

浙志嘉靖志案續通考稱王文貫詩文五十卷而下注宗道名是誤

以文貴爲宗道之字也

曹說詩文三十卷

延祐志案浙志引延祐志誤屬曹粹中

元

黃叔英詩文雜著二十卷

嘉靖志 四明文獻 集 涉志作三十卷

黃玠弁山小隱吟錄二卷

續通志 藝文畧 浙江宋集書 錄 四庫書目 浙江湖州府

志無卷目

提要曰玠清苦力學無所不通周游西湖

樂吳興山水

四卜居弁山與趙文敏游文敏稱許之有

卞山集知非堂唐詩選纂韻錄等書獨不載此集之目

或後人以卞山集知非堂併為一編改題此名歟其詩

不為近體視宋末江湖諸人惟從事五七言律者志趣

殊高中多勸戒之詞其上者有元結遺意次者亦近乎

白居易雖宏闊深厚不能及二人要於俗音嚙嚙之中

讀之如聽古澹磬矣前有自序稱茂有台德不敢謂隱

獨以所得於天者薄故將退藏以終其身又引文申于

之說稱願上之人正身修德使時和歲豐已受其賜尤

粹然有德之言勝矯

語高蹈者萬萬也

知非彙

嘉靖志 湖州府志

唐詩選

嘉靖志 湖州府志

黃野得芸已集

湖州府志 湖州府志

樂之才詩一編

清容居士集

僧鏡中和永明山居百詠詩

靈峯志

明

樂良遺藁五十卷

浙志千頃堂書目

許繼冠樂生集五卷

終雲樓書目字士修定海人自號觀樂生嘗爲台州學官

謝琛梅花百詠

天恩集詩文章創

謝璩澹菴詩集

陳志

梅花百詠

陳志

夏時正餘留藁三十五卷

浙志千頃堂書目

巢居閣集

蛟川詩話

瀛嶼藁一卷

浙志府圖記

嘉靖志嘉興千頃堂書目

豐慶簡菴集

嘉靖志 兩浙名賢錄

豐氏園

十詠詩 南山集 黃閣王序曰豐清敏公十

歲黃門丁內艱還四明即清敏公舊遊之地築室開園

作十景以述志及陸河南方伯詳著十景所自求海

內各公文士播咏之集成命嗣子松請序于德永樂初

翰林諸公聯賦金臺八景于霄綬簡就正於庶子鄒公

緝正統中子官胡南與侍郎王公一宿過洞庭公曰瀟

湘好入景恨無好詩于時亦言勉答公意蓋天下好事

者即景為日詩咏固多未有一人歌咏溢乎四海當與

今茲觀豐氏十景本源清敏一人歌咏溢乎四海當與

金臺瀟湘光耀後先故子

不以鄙毫辭而敘論如此

劉洪夢軒橐 嘉靖志

沃類復齋橐 乾隆志 蛟川詩

張鉞敬亭集 蛟川詩話 齋孫懋延日

詩評二冊

蛟川舊詩

陶恭觀光集

浙志之定海人嘉靖壬午進士

歸來集

浙志頃堂書目

賀欽醫閣集九卷

續通志藝文略

浙志

焦氏經籍志

勛序曰余少日從伯氏世卿於大岸山中讀書至古之學對復歎曰白沙陳先生公甫醫問賀先生克恭真其人也吾將焚舉子業從之遊越數載還自白沙稱其緒論以爲人心通塞往來之機生生化化之妙有非見聞所及者必深思而自得之未易言也白沙之學以自得爲宗喫緊工夫全在涵養端居靜坐不爲私妄間隔則心虛氣靈天理流通大本立矣喜怒哀未發而非空萬感交集而不動舍是而支離於佔畢役心於贊毀力愈勞而神愈亂不足以語道矣故其詩云吾能握其幾安用窺塵編先生之學亦出陳氏在諫垣時聞爲己端默之旨篤信不疑謝病歸構小齋讀書其中隨事體驗未得其要潛心玩味杜門不出者十餘年乃見實理充塞無間化機顯行莫非道體事事物各具本然實理吾人之學不必求之高遠在主敬以收放心勿忘勿助循其所謂本然者而已故爲臣必盡其忠爲子必盡其孝推

之家庭里閭閻冠婚葬祭服食起居必之本然之理而
力行之久久純熟心迹相應不期信於人而人自信有
邊將撲殺獻績者見先生即吐實曰不忍欺也城中亂
辛焚劫不入其坊人扶先生往諭之眾即罷拜而泣曰
吾父也遂解散待罪城賴以全非盛德能至是乎嘗併
而論之二先生之學均於爲已白沙資賢高明而虛靜
所得爲多故所見高妙至其德立道尊體任自然從容
和易不事矯飾其所以致之者有自矣學之者見其暮
年氣象之可親而不考其早歲自治之甚力憚深造而
欲立致自然忘克治而欲妄效和易其不流爲放蕩者
幾希先生性本篤實循循然自下學始法地之卑以固
其基以廣其業如是而自洽如是而誨人如是而始如
是而終篤實之積光輝發越傑黠者心服而獻誠叛亂
者辟德而革面余昔撫東土訪先生之閭見其子鄉進
士士諱文行不忝所先生又聞有老門生百戶胡深者極
欲招致終匿不肯見先生之風高矣遠矣今夏士諱輩
錄先生言行若詩文若奏議其若干卷遺余於戲先
生之學本不可以言語文字求今先生往矣舍言語文
字何以見先生之心謹序而傳之嘉靖乙丑提要曰
此編乃其子士諱蒐輯遺藁並生平言行都爲一集前
三卷爲言行錄四卷至七卷爲存案皆雜文第八卷爲
奏案第九卷爲詩藁以欽常讀書齋無閭山自號隨問

山人因以名集欽之學出於陳獻章然獻章之學主靜
悟欽之學則期於反身實踐能補苴其帥之所偏言
論等不在求之高遠在主持以收放心而已故集中所
終言行皆平易真樸非高談性命者可比而所上諸奏
疏亦無不通達治理瞭然可見諸施行在講學諸人之
中獨為篤實而純正文章雖多信筆揮灑不甚修詞而
仁義之言諄然可見固不必以工拙論也

張澤稽山遊集

家恩世守錄蛟川詩話族孫懋延

朱澤平吳凱旋錄

浙江采集書錄四庫存目提要曰

寇秦璠黃良黃庠者為巡撫江蘇總兵官督師孫慶為左軍都督充巡撫江蘇總兵官督師孫慶為左軍都督充巡撫江蘇總兵官督師
官兵合蘇松常鎮四郡民兵以剿平之吳中士大夫各贈以詩文澤編次以成此集

李興遺彙

薛文介集

王愷樂休集四卷

浙志嘉靖定海志四明蛟川詩話作四十卷

丁瑞春文集三十卷

乾隆志傳

辭三才恭敏公集

詩集二卷

明詩綜

第三省撰行狀云有

長未有不喜於自見者也而詩為其急於售世不憚
脛馳而走四方猶賈也夫安所得被褐而藏如家茶敏
公者乎公能為詩不喜以能詩名天性亦喜為詩又不
喜以精力耗於詩生平學問以詩為餘而居官則孜孜
職事為本務時或以餘暇寄之於詩率當境觸物留心
而寫情不屑逐境以嘔心也又不喜為倣擬之作與應
和酬答之章故詩篇不多得之亦不甚自饜直徹帶
視之多佚去甲辰以楚轄入計監與中凡得詩如十首
及計事緩亦忽忽忘置何所後於廢楮中乃簡得故今
所有司中棄益絕少夫河嶽英靈代不數人人不數篇
在可傳耳嚴滄浪善論詩而其詩所傳於世僅不滿
百詩亦警之兵在精蓋不在多也常甲辰歲余初官史
局公偶暇與余論詩氣格為上聲調次之格欲嚴峻則
高而致遠於形象之間則巧而傷格氣欲渾渾則細而
踴躍於筆墨之外則饒而傷氣和調在練句句不輕挫
則展而傷調諧聲在綴字字不參俚則警牙而傷句
句傷而害調調傷併害篇篇亦復氣格之疵也世謂詩取
材欲廣然但當廣覽以識其變漢魏以後唐初盛以下
雖所心賞不當慮真其柔靡之習最易染人筆端使格
卑而氣俗更詩之大疵也其持論若此余服其訓而力

不至終不羈於詩無能窺公詩之所至乃余諸從子何
許公詩謂五言清古勝七言歌行雄傑勝近體五言古
雖不多見往往得其古邁高華之作不減先世太保干
例老於詩且能自負必非阿所好也于何又謂非今日
讀公遺集幾不知公之工於詩於乎公詎獨詩少人知
余嘗笑公曰公生平人知其清而不知公不自言清也
其在楚人知其定宗變爭宗猷而不知公不欲因亂為
功也其在邊人知公獲虛餉以萬數而不知公不以其
更不賞又知其禦口善守而不知公賁以戰為守也即
為楚節浮冗所餘以數十萬計雖楚之人不能盡知即
有知者亦不能知公操何術以儲也蓋公之不欲
自見所長詩猶其餘已因論公詩而稍著之若此

洪應科清嘯集

乾隆志傳

學步編

乾隆志傳

遊燕草

乾隆志傳

居剡草

乾隆志傳

武愛文冰壺詩集

四明詩彙

胡淪雪都集

乾隆志傳

辭三省天谷山人文集四十卷

陳志案傳是樓書目作

辭文介公文集四卷

凌義渠序曰辭文介公制舉業

余少竊嘗誦好之蓋公文自子史銘治而出尤折衷於

謙雖諸賢故其才思川注飄起而學識醇深不為非常

可喜之論自崖異也天啓乙丑公以翰林學士知貢舉

余始得第為青陽羅先生所取士先生則以癸丑釋褐

出公門義渠從羅先生後數月公公亦雅愛余文每坐語

輒移時無異執經弟子後數月公公上疏言皇極門工恩

太盛又詔毀京師書院非盛朝所宜語多與時政忤疏

入留中公謂羅先生曰吾言不用則見幾不俟終日矣

立草奏引疾乞休夫大臣以禮乞休例與致仕而擬旨

尤切責公哲皇而覽之弗善也第子公閒住去蓋瑞素

憾公公亦自念吾去官早晚且就逮於時舟停潞河者

兩月片始取道南行余觀古之君子直已守道不驚於

得失之間如敬輿貶蜀手輟方書紫陽罷祠生徒不遣

皆其身際憂違神情自若公則退老家園左右惟書史

蕭衣冠日對其中時而旦起臨文中有未輟鄉人有遇

余者余問公無恙則言公卷帙丹黃猶刻苦作諸生事

也嗚呼拂衣去國志不忘君尚友前賢古情遙慕公豈

無心當世哉上於得卿久知公及卽位以公光宗東朝
舊學思公黃髮皓然入參機務諭言教迫數召而公數
辭歷七年乙亥元日上猶溫旨趣公入朝誠知公非無
心當世者也公文言事者皆行之七言理者什之三近時
浙閩諸水若劇盜往來皆賴時急典兵者數易其人將
不習兵戰防善策兼之應越駐兵地餽餉非時兵將
不聽要索公雖臥病猶爲計其以爲當事今案大陳
金塘諸議瞻如指掌可謂公之公矣多類此以此窺公
豈無心當世者哉今年公子士琪謁選京師因公坐語
棄屬余爲序余得定交公子慨然想見當日從公坐語
時啟篋陳書獻賦太息昔唐韓吏部詩文傳諸李漢文
章貫道之公賦上淵源以公端人鉅儒舊爲朝野所推
重而義渠素聞公教亦嘗自思砥礪庶幾讀書論世無
負公知今幸綴言簡末其能不以紀實之辭慰公于之
歌傷小宛乎文凡如干卷書院議改創祀忠公教典
故爭之疏辭通達國體類西京又易卷二卷春秋辨疑
四卷公事君進退之義見於持論余既受而卒業爰附
數言卷尾以志裏時誦好不忘易蠡作於潞河旅次析
天人之際鉤連麟解以暢其辭今所載萬餘言皆公手
書字畫瘦勁可法當是時死生迫於前而潛心著述如
此可以識公之平生矣嗚呼國家二百餘年以來數有
臨闕振聵忠賢猶弄威福正人君子言出身危河津雨

東兩薛公先後皆瀕於死而天下歸幸其生存河津既
以理學垂世今到朝野方望公以參兩之業而公不復
出爲帝王師竟終於窮谷一病叟雖文章人物歷久不
磨而余尤爲當世惜也提要曰是編有文無詩奏疏
幾其半奏疏中辭謝者又居其半常謂福王之國一
疏最爲激切其官檢討時所上也陳景沛曰天谷山
人文集四十卷四世孫上治所抄選集已刊刻行世
天谷山人詩集抱經樓書目案是集于日七曰館集
付梓日園集其子士珙所編刻也白序館集曰館集
集庶常讀書時所作也何謂館蓋庶常初讀書中秘在
文華殿東已誦蓋殿夾臨御多文華而庶常謫籍體
不肅宣廟命卽翰林院開館以肄習之凡三閱歲而月
每旬皆有試日館課其初選則廷試如進士時日館選
已選而月朔望則課於東閣口閣試館特爲庶常設而
廷與閣之試亦並爲館設故概以館云閣試出入有候
率視主者爲蚤晏而已入則少脩故事其出也不及補
餘暑無差也館中升散有度而更多脩故事又不無他
應酬餘日亦無幾也其課試率先文而後詩文即詩
劣序亦優文劣即詩優片復劣故課試惟注請於文而
詩第口占粹應焉且館閣命題更自白有體或徵近事而

規頌或仿前規而擬議其會景寫心之致十不能一二
而又約以矩矱束以體裁拘以聲律若少佚者卽不得
稱合作故雖才高亦鮮絕塵之步卽沈詣亦寡弋冥之
思況以余之鈍且劣且素不嫻此道而第取辦暑刻以
塞責又何詩之足云要以不致自墜其先資則茲集固
以成信也余善病多逋課卽試亦不能數赴故所得詩
僅若此部所錄試亦以館選因附焉自序使集曰
使集使而獨取在闕者繫之使何也蓋余所奉詔使也而
刺言而途詔誼兩不敢啟獨於其地一手展耳故在闕則
重詔而得稱使臣在途不過爲行客皇華之雅曰駢駢
征夫行客之謂也故詩非得之闕者不繫茲集而乃襍
以嚴與饒道中所得之詩何也蓋此余生平所未經行
第因使闕而後往來於其間則猶之乎闕也詩有揚之
水風人申許間所咏而繫之王此其義也余所竊取若
此云自序露集曰露集集路城所作也半願出居經
春半而始進縣非禪非病掩關閑如偵雪壓檐層冰錯
石昆蟲裂窗真塵蒙几爐寒宿火巡檐負曝壺懸新醅
煮椒代酌塗門堦戶風窺雪職詩曰胡爲平中露政余
此際之謂也其故難言之矣每憶署中晨趨夕返題奏
鞅掌感時覺額風夜在公衣裳顛倒我勞如何今止邱
隅雖云集格亦脫於致棲遲偃仰惟意所適吟咏嘯歌

莫余垣屬身有長閒神有餘快耳目所接皆成佳趣形
音自親忘其孤寂衰柳啼鴉凍瓦喧雀市謳載路揚鼓
填街咸足鳥鳴山幽之致而徐風飄雪寒月印冰朝華
夕秀時或映帶眉宇更可洗濯胸襟蓋不獨初時撫松
盤桓爲足地偏心遠之趣也遽廬所刻詩尙少遺家從
兩序亦多溢美未盡當日眞覺因復自述而更題曰露
集云自序遊集曰遊集集行遊所作也夫登涉所爲
遊也則凡有所登涉卽可以爲遊而胡必此之云也余
惟昔之寄神於遊者或稱道遙或稱仙稱遠皆各極其
性之所適與志之所之非必以登涉爲遊也借爲眺覽之
取必斯小矣況或意初不在山水隨意借爲眺覽之觀
放者以寄傲思者以打懷沈者以消寂宦輒之過者以
擊勝行役之滯抑又下矣余生平遊致不之情亦隨景而
俱盡其爲遊抑又下矣余生平遊致不之情亦隨景而
具及於登籍更局趣春明不能極探幽問奇之趣卽台
蕩近在同城亦復自貽伊阻顧念之所寄夢寐未常少
置焉今以投閒獲成獨往雖性適於情耳獨日遇咸足
所加不踰近郊而志遂所願性適於情耳獨日遇咸足
會心片石勾水皆盡佳致身與世遠翛然塵囂之外更
不知何地復爲仙都而以櫻吾胸懷也者蓋或庶幾道
遙之意焉觀者毋笑謂名山大川之未窺而泔淖自適
也余遊將從此始矣自序郎集曰郎集集宦中所作

也耶者旅也宦何以名耶也余鄉舉願幸上春官捷一第旋讀中秘者三年余生平足不越故鄉驛處長安雖復移家以從而時不禁鄉思嗣是或出或入凡二十餘年之閒家居之日過半宦邸多不過三年少乃逾年耳蕭然環堵之室孑然鵲涼之蹤初不知野冕之爲華而念惟衡華則余之爲適者兩乞歸不獲遂真如野冕奇致不能奮飛則余之視宦真如旅也故以耶爲題蓋長安之謂非若世所稱宦邸者也其往來白檀之詩亦復結時蓋潔過此身初未離春明門不得言客行故也自序客集曰客集集客途後先所作也余出入春明門者數四初以試後兩以假一以使而最後以閒兩御軒而三棹舟所歷吳楚齊魯幽燕之郊幾半天下差足勝遊舟楫之所維泊蓬廬之所託宿時不無少會心處而道途罔賴之狀遭逢風雨之苦與逆旅俞咈之感亦時有之觸景遇物意之所到興之所動不覺依永成聲因積句而成韻積韻而成篇積篇而成帙惟以抒寫胸臆非有意刻劃以爲詩也直謂之紀行可矣且次且集殊自愧往來數數不憚煩云自序家集曰家集集還家前後所作也余家海上去郡五十里而遙去越二百里而遙去吳幾五百里而遙日家集而併及非其家所作者何也蓋此吾之鄉則家所託也人嘗有問余何家者余皆視其人以對其兩越之人歐則曰家於定其三吳

之人歟則曰家於明其四海之人歟則曰家於斯夫得
合以稱家甯不得舉以名集且余之在臣在行也每一
懷家道阻且長不禁怫怫及行抵武林朋友親故適然
而相遭言語飲食懽然而相狎余於斯時蓋已忘為客
而奚必一樣之下尺土之上為吾家也昔之達人以天
地為逆旅以光陰為過客清風明月為往來而身為主
人則家於何有而粉榆相望之地豈以衣帶水隔遂不
得以為家且余幸微神聖之賜得數過而問家今又幸
微冲聖之賜得投閒而甯家自非然者則身終委焉將
以希擊壤之遺風而竊快此餘日也故余之以家名集
亦以志幸也子士琪跋閣集曰先君詩若館使露遊
邸客家凡七集皆手授于切家兄選編而命刻者其在
北園有詩數十首或易壁間或鐫石上偶爾遺忘未及
收入諸刻既成不孝始從園中見之涕泣手錄併刻諸
集因從命篇之類故題園集其曰附刻其無小序者以
非奉先

君命也

海上駁音

文介集 自序曰余聞之莊生河伯出於海

子之大全也子則謂海若曰余非萬里而東行幾不覩
萬里而觀子也則盡行而灌輸天下乎海若曰枯澤而

灌者不溢畦方箱之輸不傾大倉于何以余爲此拘拘
者也河伯曰惡乎然惡乎然余起龍門貫砥柱觸關流
經秦洛燕齊魯是紀周行乎中土故余不若子去也而
觀者未嘗少余也而況于之大而爲是灌輸者乎海若
曰灌則有注輸則有委大委不輸而天下歸焉大注不
確而天下挹焉于豈未覩夫子耶子受而無擇運而無
積道爲四瀆別爲八流分爲百川包之絡之襟之帶之
余所灌輸不知其幾千萬里也於是河伯聞之竦然而
起曰此猶夫支也未旣也海有四名余居一焉爲炎爲
瀛爲渤爲冥委轉隨流通復爲一故余朝發乎祖川而
夕泊乎聚窟余所灌輸不知其幾億萬里也於是河伯
聞之瞿然而驚曰此猶夫稗也未旣也神州赤縣九九
之一區分域硤外復九列純陽之陵冥夜之坵余皆環
之浮天載地浩浩渺渺余所灌輸卽余亦不自知其所
際也於是河伯問之惘然而失曰此猶夫下浸者也未
旣也余壑於歸墟轉乎黃墟倒流天柱厯龍尾之津經
東井之次宿於火敦之泓然後流爲赤鯀合爲忽闕東
出於式計與柑枝而伏於沙漠若滅若沒若清若濁而
後乃九折而爲河則何俟今日東行而始余覩也於是
河伯啞然失聲而歎曰久矣夫子爲都居余爲子灌輸
而余不自知也余則偏焉已矣余無所容吾言矣乃始
旋其面日而返遇蹄涔之漚掌沃之藩以海若之言告

之徒慌而問曰夫言有謂者也今若所謂者何其也河
泊日而惡乎知之然則無謂乎曰而烏乎知之有謂無
謂無謂有謂然則其與較音有以異乎曰而烏乎知之
而行也東海之畸人因是舉以名篇而為之述其意

邵韓忠詩一卷

蛟川詩話

謝脩黃華草七卷

尊閣室藏本

華顏北山小集

浙志四明詩集蛟川詩話工部晚年得遇故其詩時寓幽怨之音自稱北山卿

所居北山故名

雁字詩

蛟川詩話張懋延曰雁字詩三十首以行草付梓極風人之致

菊花詩

乾隆志蛟川詩話案乾隆志又有創詩張懋延曰劍詩即在北山集中

李環遺藁

麟臺志

范我躬在茲堂集

詩文章創子兆芝曰先君在茲堂集奏疏條讀詩古文詞說書制藝十餘種

丙戌之後盡燬兵火

張校峨松集蛟川者舊詩案校字雲

林繼祖舟中草辭文介集粹三省題詞公孝之筆勁好

而致有鬱然之烈

張君謨詩草一卷蛟川詩話張懋延曰族祖遊擊公

何震耀青虬石室賦蛟川詩話張懋延曰族祖遊擊公

龍澱集天中集詩文草創

恣菴集天中集詩文草創

客遊草天中集詩文草創

陳昌統竹溪集天中集詩文草創

醒譚草天中集詩文草創

張啟運非卞吟一卷蛟川詩話張懋延曰余高祖太初

謝泰誠詩懷二卷

陳志

謝泰宗天恩山人詩文集百卷

謝志

朱葵尊序曰詩以言

志誦其詩可以知其志矣顧亦有幽憂隱痛不能自明
漫託之風雲月露美人香草以外後之人欲想見其志
則得其久篇短韻相與傳而寶之洵乎誦其詩尤必論
其世也陶淵明以晉室遺民感時悼往無所發舒偶託
於菊與酒而述焉今讀其詩雖故為放曠閒適之詞而
鬱塞不平之氣卒不能自掩顧向論者或反以曠達目
之何其謬歟天恩先生以崇禎丙子舉於鄉丁丑咸進
士出簞浦黃公之門累官南安司理明運既移伏處海
濱寄情詩酒者垂二十年蓋一歌一咏大抵皆排愁遣
日之所為非如世之詩人牽課摹仿月鍛歲鍊以求工
者也嗚呼先生以有用之材不竟其志遭逢國難君臣
師友之痛思焉自傷不敢以告人於是陶情麴蘖離畔
行吟聊託於淵明之後觀其所以自序其詩者以為乘
物以遊心託不得已以應世其亦可悲也已從來易姓
之際上之攀龍髯而乘箕尾與日月爭先無論矣至於

小臣較士全身抱義於深山窮海之間何可勝數而國
史無稱野乘莫載獨其生平所著述或殘編斷簡零落
未盡猶彷彿其生平如今所傳宋元之末有天地間氣
集月泉吟社元音遺響之類是也是皆不必其詞之工
而後之人咸知珍重而愛惜之況先生之詩其必傳於
後復何疑乎余鄉集孝廉鳴盛與先生丙子同榜國變
後復故衣冠閉門墓舍者四十年而歿今其遺稿雖在
惜無有梓而傳之者喜先生之子若孫能知所以嗣不
朽也乃序而歸之俾後之論世者有所考焉言序曰
天恩先生先王父之同年友也家江海之交自幼與兄
若弟讀書城北僧舍朝夕迎眸夜濤撼耳風雲之變幻
霜月之淒清日相易於其前而盡收之濡墨吮毫之內
故能出而占上第宰專城平三百年盤古嶮嶮強不服
之寇使之馴擾無貳先生之才洵可為無所不具矣乃
指施未能什一而鐘石變聲一敏其經文緯武之用於
耕山漁水中徒以感時觸物寫其胸中所蘊結此如生
龍活虎盡屈其拳雲嘯風之長技而困伏重淵柯蟠密
檻唯有呻吟跳踉鳴其不得自由而已嗟乎先生何不
幸而有此詩文一編也然一輩遺逸之士類多不安於
寂寞而因緣朝紳通納賄賂冀死灰復燃捲土重來之
地卽不然彈冠無望故侯猶存假此游歷江湖款門乞
貸歸營三徑以自託於採薇種瓜者亦往往有之而先

生行李不越江杖履僅環雨水自三五退人宿老而
外絕無與爲歡者先生又何幸而尙有此詩文一編也
猶憶四十餘載之前干戈滿目城門有時盡閉先生每
數數過我其與先大父所言皆王霸大略無一語及米
鹽瑣屑事蓋標致如此曾幾何時而學士大夫相聚或
內而父子兄弟或外而親戚友朋所爲交臂接席刺刺
不休者非東鄰之市利三倍卽西舍之稼取十千也夫
言而筆之於書卽爲詩文詩文而發之於口卽爲言言
言之不雅馴而猶望其有詩文可以信今而傳後乎則
先生此編雖不足以見一生之大全而端爲今日所希
有宜其子孫視之猶天球河圖之不敢褻矣今年正月
余至蛟川先生之孫子梧奉其叔父之命申幣於言請
爲選定序之於是乎書 馮景岐序曰先生文集若干
卷係先生任日手自訂定已錄於木矣會先生歿未及
印行夜不戒於火板盡燬其叔子景昌冒烈燄奔入急
抱其樣本以出全帙得存時方謀厥居未遑也既諸子
皆相繼謝世又十餘年先生之孫緒欽緒顯始與其昆
季羣從謀哀前刻之繁散者而合之總爲集若干卷相
與捐資而梓之不足則益以祀田之稅凡閱四歲工始
竣藉顯以于世與校讎之役俾則言於後子惟先生之
志節文章則梅村之志湛園書巖之傳竹垞之序已文
而核矣予復何容贅言願于誦先生之文思先生之志

觀其出處遭際與其所以善身而裕後者竊不能無感
不獨文章之宜以傳世已也先生夙負經濟學當令
出時奉命征盤古嗣賊以一書生提一旅之師走數百
里深入窮巖絕澗之中草處露宿者經旬卒指布方略
擒其魁首遂靖百年之逋寇雖古名將何以過此當思
陵之末流寇倡僞廟堂無策其文臣巾幗而中權其武
帥屠販而專閫遂致中原塗炭國祚以移使得先生輩
數人置之要地委以重任時事當猶可爲幕府已奏功
第一而乃爲吏議所阻格僅得平敘此宜志士之所扼
腕而長歎也泊滄桑之際先生以故國遺老杜門卻聘
者垂二十年蓋此時事業功名久已付之流水而耿耿
孤懷有莫可告語者不得已而託之詩酒以自遣此豈
先生之志哉雖然世不能竟先生之用而先生則隨地
皆經濟也予生晚慈定相去百里而近未獲親炙後館
先生家及交諸嗣君與孫曾之從子遊者見其家庭雍
肅長幼慈敬諸所設施措置動有法度子弟自勝衣以
上無不知讀書吟誦之聲達於旦登其堂衣冠踰濟
列科名而籍澤宮者不下數十人吾甬上百年來故家
舊族風流文物之盛未有或先之然後知先生之學雖
不得竟其用於世而其施之家者規模宏遠方永久而
未艾而子孫之能振興世業紹承先志爲可嘉也昔孔
子告或人之不爲政而以爲惟孝友於兄弟施於有政

是亦為政者先生之謂矣論者徒以淵明皋羽相比擬豈其倫歟予故為志其實俾知先生之可傳者又不獨以文也讀是集者其亦有所觀感焉從子兆昌跋曰公集成於甲辰乙巳間皆手自訂定庚申燬於火從兄景昌每為之唏噓泣下今諸孫乃能哀數年之資俾卷帙復完嗚呼海內名公鉅手筆藏於家而不得錢板行世者何限公當滄桑之交杜門不出耿耿幽貞貫於金石如山川之寶自不終闕然後人繼述之大良可念也公積學晚遇詩文出入經史揚扝駢雅汪洋渟蓄莫可涯族小子方興望洋之歎奚俟贅言矣重加校讐者同里薛先生士學慈水馮子景岐鄧萬子承勳從姪師昌校閱未終繼之者從姪孫緒章也

鼓音四卷

浙志
千頃堂書目

南征志載二卷

浙志
千頃堂書目作六卷

燕翼二卷

浙志
千頃堂書目作三卷

弩餘二卷

浙志
千頃堂書目作三卷

花歸百詠二卷

浙志
千頃堂書目作四卷
自序曰咏物者非咏物也中有涸涸之思憫憐

之狀宛若在心口間凡夫風雲月露草木顛動附斷邪
而欲出者因是已如彈琴聲響在絃情致原浮動絃外
審音者脈摘得之不知聲也何以知其感不有洋動在
聲外也何以知其感之故余於此道稱門外漢意至
率孖幾不問韻閣行陸江郎山時方春仲觸目地紅適
奇攜錫齊莊寄商能始先生落花詩六十首憑興朗諷
句句寫生因銘於漫衍為百詠所謂有其具無其聲者
也亦奚自曉其所感何在即雖然於詩則不韻於花訂
僑札交矣花之開落分蚤定也開落之有先後不定而
究歸於定者也即惡是其庸免乎齋臺子羽曰於蝶蝶
何親魚鼈何譬以言人若此何不可為花况也乃喋喋
者動歸罪於風雨風雨無鄉怨怒不及花會不以此自
損容他
損乎哉

菊醉吟二卷

新志千頃堂書目吳偉業撰傳菊醉

於所居之室有感於秋風搖落草木變衰故託諸墜露
落英以寓其君子美人有懷不見之意固非鋪繡醴醴
自託為醉吟先生已也自序曰予性不嗜酒尤不好
詩有取乎爾也蓋性情所至率即是真蹈即假安用輪復
其所過昔陶先生初無節之可靖而有其靖節之名豈

實之賓乎陶先生無樂乎有是稱而人卒以此稱之斯
實之賓也即離間問酒相對陶然其意念深矣偶發之
歌咏如家人酬對語不自知其所以至而至者逕焉今
人盡以詩酒之名歸陶亦何取乎爾也予自天童家弟
暨慶臣姪次第北歸握手道懷酒於酒者幾一月餘筆
墨之事廢矣筆墨廢而吟咏興焉言攬秋容恍對彭澤
乃天童遂命之爲題是真有菊之可咏與詩之可尚也
矣而非也有正其然也昭氏之鼓琴惠子之據梧皆似之
知其爲酒噓噓偶抒誰識其爲詩化聲之相待若其不
相待離間有巧謬乎倘忘在酺身意在操觚一酌一
句誰事哉此橋舌者且夫乘物以游心託不得已以應
世至矣何有於我也然則今日者醉非我醉菊自醉吟
非我吟菊自吟又奚必問之陶先生陳衷赤序曰近
世好言詩詩之遠古也實甚優孟濫謂以爲李杜復出
不知李杜當時以爲何人復出也總未取三百篇之旨
正其音響節族而與之言感物之性此詩之所以不存
也天愚先生學業淵博成進士有聲筮仕嶺南政績與
文章並著旋移水部因時局將變遂勸然解龜以閉門
著書爲事時與弟于姪燕飲里社四方知與不知皆
問而高之適際菊黃之秋楓玩飲其下苦菊醉吟百餘
首讀其詩人雅高潔無靡曼之音得詩之正感而作也

不知者以先生仿之陶靖節而故隱於菊夫以靖節推先生者猶之以李杜謂今人也且先生之意不在酒并不在菊安得而在陶若必取興於彭澤則葛巾漉酒之致胡不一仿之而必在於菊也則知靖節當時原未嘗有菊酒於胸而發之詩者不過因其情之所至而為言然則先生亦第知有詩書之樂天合之歡而仍以醉還之菊以吟還之醉初無與於陶也雖然抑又有說靖節鄰於放先生守於正子姪諸季之賢又遠過之故先生之詩訓詞深厚一稟於法謂與二百篇之古詩相上不可矣即謂靖節感於遇先生感於性亦無不可也

新文鴻範三十卷

子得昌撰行述

曉峨松集

乾隆志傳

仰山稟

乾隆志傳

士珩海居集

四明詩彙

白瑜集

陳志稟

孝定集

文獻草創張懋建曰孝定先生為全謝山先生世交其所傳詩僅二卷謝山於遺篋中記其

佚者數
十首

吟和集天恩集 謝泰定撰墓表嘗與叔父大宗伯文介公師友一堂刻有吟和集

邵似歐黿江草蛟川詩話

知非草蛟川詩話

湖山寄草蛟川詩話

扶桑吟蛟川詩話

北遊草蛟川詩話

邵似雍丹霞草陳志橐自序曰先公命予名曰似雍字

蹈東海敢近康節哉然私心向之矣十年頗學道仙人
字之曰邵水夢中復授號丹霞以故怡情山水咏玩風
月逍遙開散適興吟哦遂成篇什耶已知詩皆幻境即
萬有俱為幻境何有此篇什耶已知詩皆幻境即
中之號名曰丹霞草生時几前把咏死則付兒孫
或者丹心不滅霞舉非虛雖不得與康節先生追

數然青雲白鶴間當有碧水野人者矣倘有道之士仍謂癡人說夢則與之覆瓿且噴飯滿案未可知也

集陶一卷

蛟川詩話

集歸去來辭詩一卷

蛟川詩話

集蘭亭記詩一卷

蛟川詩話

陳衷赤大雅堂集

乾隆志

衢遊草

乾隆志

蛟川詩話

閩遊草

乾隆志

蛟川詩話

張一鳴守真堂集

乾隆志

張鳴喈山舍偶存

四明詩彙

范兆芝復旦堂集

續音

蛟川詩話

快閣一集

乾隆志

蛟川詩話

鎮海縣志

卷三十二

藝文集

五

菰中草

乾隆志

懷千草

蛟川詩話案謝泰交詩云茫茫三復懷千草漢魏之前風肆好

雙節詩

兆芝跋林氏雙烈詩曰予家王母姊嫺苦節先帝旌焉因集名公贈篇為雙節詩

周西勁草亭文集

陳志稟

勁草亭詩集

陳志稟全祖望曰先生之詩不輕與人

心也證山嘗曰方人之詩下筆皆有真氣可謂知言

痛定初集

蛟川詩話自序曰予之痛自甲申三月十日始此集中所云痛慘甲申變至尊殉社稷蓋痾瘵通心矣有乞師於北者而氣翳盡掃集中又

云亦師唐故智借兵平神京而痛雨定焉然秦庭之泣

是矣甘心臣服之非也痛加深矣至後南畿有主集又

云金陵還望五雲生而痛又稍定然江南亦樹義君臣

俱悠悠敢妄言之雖欲為定哀之間微辭不可得矣痛

何如哉越州一旅頗壯中原之氣江東雖小尚可以王

亦定余痛其如兒戲何痛日甚焉而大器遂委諸草莽

矣至今中原地偏處生戎馬亦何以為情哉自效以往

痛滇師之不揚痛楚師之屢蹶集中云消息悲君說江湖信可通痛敢定哉傳聞海上是義師樓船多託漢威儀方大有望於閩粵一師然殺戮及難大矣南郊聚白骨矣已亥蛟關之入奈身受斧鑕巨擘欲墮止聯一線蓋忍痛受此多日焉集中有云尙欲注春秋何爲先絕筆亦道其實云爾七月南畿之次江南半壁震動予在痛中動喜色終北其師彼方匹馬隻犒無失也痛其何時已哉庚子家太白山中而老母苦畏人城依諸兄母子異居痛我無家聚骨肉矣敝廬傾敝痛惜東籬菊口黃矣遠離墳墓痛荒冢蕭蕭白露新矣故人客死痛天心不愛賢矣或十年一握手痛膽落干戈後矣樽酒志感痛傷心夜話鳴笳裏矣英雄屈忍痛悲憤千古以舒憂矣余方抱無窮之戚於今日焉是集也方以既墜之指生填墨池強握管城而追遠之言什六紀近之言什四以寄我痛思然則命名曰痛定痛不定未可知之辭也

痛定二集

飲蛟川詩話自序曰痛之不已猶如昔也將欲效賈長沙之痛陳時事焉今且無地容吾哭也痛

故未定也於是悲從中來欲出門望八荒滄海坐山渺不可卽焉乃鳴梟檮木形於日翳虞麒麟問於耳而雜感八章興焉痛所寓也身爲沮溺而救世無人天不生

魯仲尼於今日也憂道窮者誰乎而七人詠六章興焉
寄痛益深矣母于異居而此日得同室也然囊空無以
承歡矣山居十詩志喜乎亦志痛也至於單衣度嚴霜
矣裘褐不備可痛也坏土生荒蕪矣矜縻有變尤可痛
也歲秒七詩荒荒破屋無以蔽風雨焉痛何如也辛嚴
無計貧至無聊欲賣書增吾痛矣則辛丑之痛如昔也
然而及門有士霜葉對吟詩矣千金買鄰小館餉秋尊
矣知交還往晨夕渡小灣矣同志有人探梅過山中矣
艱苦耦耕故人猶在自鋤菜甲高堂佐鵲儘自安新思其
在斯乎至壬寅元旦有詩曰陋巷簞瓢儘自安新思其
著舊衣冠貧家春色來偏早故國離愁總未寬誰耐門
前立積雪最宜堂上薦辛盤山中獨有梅花信不向人
間借厯看則今日之痛又將繼是而起也其已乎
未耶是歲孟春人日因簡笈中詩成帙遂題如此
痛定三集也
是年文字之禁多有陷於禍者雖少陵生
今日且猶曰矣余詩有曰干戈今復甚不敢著書多蓋
爲是自篇也則昔之痛者今且轉而生畏心焉然奉老
母山居炊爲屢絕高聳寒肩獨吟朝夕終不足療飢前
後絕炊詩亦何爲哉欲輟歌詠而又不能也長歌之哀
甚於痛哭聲與淚俱寄之起而訪我山中數知已半爲
鬼矣悲從中來益不能已借是將痛哭以寄于衷終應

子九勤勤焉自是稍知隱諱矣奉侍老母藥餌之餘
借張生確數畝竹棲隱稱竹中人遂有竹中八首其
共事者則予徒其往還者則吳子畏生其相酬和者則
邱子蘊生偕其兄孟洪與子叔度亦儒及傳子昭明輩
于粒民萬子允誠諸人皆為竹中人生色詩篇成帙于
時向竹風中披讀不能罷乎遂顛倒於是為之記為之
序為之引且自為之和并進諸公而謝之所云山中自
同志詩壇誰敢霸豈傲哉言其實也而予之痛少舒之
然奇居太白晨夕看之有太白三章有柔子其麓者作
采桑詞有茶于其顛者作采茶詞有耕于中者作耕山
歌久於山中作山居雜詠將欲以太白為桃源猶嫌其
在人間世庶乎天台足絕人事彼劉阮之必欲還也何
少情哉代作仙子詩一畱劉阮一迷劉阮之必欲還也何
劉阮而予之寓意深矣不知者且謂于情種未絕鍾情
正在吾輩于甘受誘矣是年冰雪一冬裂入肌膚唐人方
畏是威予擁一破褐呵凍詠詩忘其慘酷與吳子酬詠
不輟雪草益多其章次也此其建篇者其餘諸詩聊詠
寄意見是者不甚問激楚之音謂周生痛定於是年豈
其然哉善乎劉向友之序其先人須溪評杜也曰注杜
者第知廣引少陵為忠愛而不知陷於險穽後來忌諱
如詩疑詩遠開無窮詩禍矣子警於是言而益用隱諱

則有之如云痛定痛則何時能定哉斯集之末章題云
不丁子之窮愁未丁子之痛正未了也敢言定哉甲辰
孟冬

痛定四集

蛟川詩話自序曰自己亥海師傷余右手

遂欲絕意乎斯文故已亥竟無詩杖冬之際稍可搦管
擊處筋絡已絕巨指屈伸不自如作書終強填逸少池
中而字已塗鴉矣久之亦熟頗能運筆取昔所書較之
已失其故步不知余書者見是必謂出兩人手然余實
再生焉至庚子技復瘥矣記歌吟遂盈百辛丑計四十
五首王寅計百二首幾忘其痛也余私心謂後此將進
於是而癸卯之詩盡搜篋中止十八首較前大損之何
也斯年野史一案多論因於武林余目擊是退而育其
筆墨吟詠遂輟且寄居鄰境交遊見冷前集所云依人
多寂寞事母少尤輝蓋痛心於此也武林之行貧窶不
快往還僅一月而老母將寐遊子者方多日歸而思先
子舊處同家弟動復奉老母歸來葺其廬之頽圯者以
蔽風雨補其籬之缺略者以防雞犬樹藤槿盡足備山
窮而老母乃得怡然也子之喜可知矣喜海上受磨折
獸散鹿奔干戈不與居人俱安堵方回思己亥受磨折
於此地慨然興歎得不死者其幸也何敢復道身於風

雅休中以犯今之禁猶不測之禍乎十八首亦聊以
寄意而已痛定之四集遂止於此寄洪谿周西自序

戊戌詩彙廿一史詩杜詩全祖望曰先生所著有

洪崑坐忘齋彙川詩話傳蛟

虞光祚松風彙八十卷乾隆志傳

天墨閣集乾隆志四明詩集錢廣居序曰夫三百

教之得失靡不曉然在人耳目詠而歌之固自起舞否

則感而泣下總之得其法之近不期其然而然也至

於樂府音調條暢雅俗均賞用之以播之管絃聲和神聽

化洽人心彼樂府之作又豈後於詩哉吾忘年友西明

虞先生怡情於筆牀硯池間志在四方自少而壯而老

閱盡名山大川目中攢乎其無際也意中恍乎其有得

也觸感行吟即寸紙隻字不異徑珠尺璧實光驟見也
時在鐵甕城署裏飲酒敵棋氣不相下因出所著天墨
閣豪讀之惟樂府諸篇乃與太史李研齋賡酬成軼余
則流連心折而頓欲北面事之先生雄據詞壇思若泉
迸機若輻發集中朱鷺艾如張巫山高將進酒句變化
縱橫俱以情勝不待擬古而合於古使古人英哲亦不

得專美於前無凡近之作者往往有憂危之心激而憤發之語不忤於世而似於忤詩道難言哉今先生擬古

諸作既和且平神而聽之又

何忤於世敬為序丙午立秋

閩遊草鳴乾隆志傳自序曰嗚咄虞子茲何時而以詩之不知鮮有如余也茲時而以詩鳴誠悖矣曠矣顧余

非不知時也古來英流哲彥幽人畸士豈盡得志於時而鳴乎士人際會休明鼓吹皇風時也命也不幸而涉

亂世之波無涯苑結令焉不鳴有尚寐無詭耳向有觀以生將終日啼乎終日笑乎笑啼不得而以詩鳴澤畔

之吟行國之謠皆不得已之鳴也余性嗜詩不刀攻詩三十年來游展所至時有吟詠草甫成即棄去弟問

有收錄兵燹之餘付之無何有鄉矣遽者世變去弟身同浮梗汗漫入閩避亂中兩載危城三年孤旅鄉書

久隔骨肉此離子獨何心能已於鳴哉而又不敢任鳴其胸臆如魚飲水冷暖自知耳日與同人隨地倡和積

而成帙意腐之陸底不欲示人吾友李文素讀於古處性慕雅歌捐餼贊梓此草出以不合時宜之鳴焉於世

必多胡虛而覆瓿矣倘有太史公其人察余之鳴而命之曰虞子非窮愁不能著詩自見余幸其異日

不至以青蠅為弔客烏能以無鳴已丑孟秋

北遊草

乾隆志傳

陳應鵬鼓吟集

省菴詩文章 蛟川詩話作鼓音集 陳

其通天地之統序萬物之性文章大觀莫妙乎此後世
文章家不外是焉故其言大之則為怒飛翼雲小之則
為鵝居鼓食而得其變化超越神乎旨趣不依傍乎昔
人之藩籬者大抵得之三百篇之意居多變是晉之柴
桑唐之元白李杜諸君子其詩文之神奇變化克臻美
妙無不義取諸此大率寓言之意居多吾鄉先輩翼雲
陳先生有鼓吟一編輯自嗣君斐函文學吾社薛子五
玉謝子又元許子孟祥已序其首余復何贅夫讀古人
之詩文者不論其世不可以見古人之事不知其心不
可以識古人之文蓋先生當神廟時韜鈴韞韞皆習為
刻羽引商其先人以武功進秩萬戶先生少壯時寢食
老莊諸書兼通孫吳六壬兵法襲爵後守禦海堡諸武
之暇哦詠成律篇取鼓吟猶不盡是漢唐名將上馬擊盜
也然進推公言志之意又不盡是漢唐名將上馬擊盜
賊下馬作露布談兵法而賦詩章者多有其人使先生
遇高皇之時不難為常開平徐中山乃遭甲申之變憤
不得殞身報國而絕食以死則可與范忠烈倪文正輩
爭光惜乎事業文章不甚傳而僅以吉光之手澤見也

余快讀間見夫仰觀遙天之飛鴻俯視大地之蒔卉生
機神趣舒平情性而自適乎詠歌唱和之間推其志大
之爲垂天之雲小之爲蠶蠲之吟殆同漆園之寓言而
不同漆園之放達矣故不讀蒙莊之書者不識先生轍
吟之詩而讀先生轍吟之詩又不推廣先生作詩之志
與其未遂之事猶之不知先生也先生之詩直忠誠爲
國而發端於言論風旨者焉耳要在知人論世以得其
心神可也豈區區雕蟲小技乎哉

華夏過宜言八卷 甫上續者舊詩 高宇泰曰先生遺文
爲其壻楊大价所彙錄爲十帙先生嘗

自況於周公之過不亦宜乎因卽名爲過宜

言有被先生指摘者竊毀其二今存八帙

詩彙 過宜言 自序曰嘿農習舉子業不暇詩擬未敢

月廢手檄戈同仇癡未敢隨俊傑識也已而戊戌之

變避亂入山天降瘴性益怙其悞不忍自許廢棄有山

中一百五韻感慨寄胸忽思木石鹿豕惟舜可同耳遂

舍之復居城市及今重九又匝週矣其間坐困絕炊或
日見一或日見二或旬日連三見二見或間日竟絕外
餘多奔走乞食耳初夏又被逮下獄六旬非癡災卽癡
禍癡遇也賴石交纓被救得慶有生然而得生卽癡雖
自顧駭甚偶讀晉樂府日重光月重麗於重九又驚思

今重九後更題作誦矣因自舊山中起至今重九日所作通行錄出以寓微忱附舊時作數首蓋避難時悉焚笥案凡代作嫁衣裳併私藏竹木屑靡遺惜不蚤同蛻營文氛家之安得炬燼仍資微人笏數亦負卻仰屋抵牙其何辭遷怒辜也別項書簾人笏數亦負卻仰屋抵棄甲敗鱗耳無別妍嫌咸資戒遷怒也附

泗水鼎樂府

句餘土音全祖望曰泗水鼎賦方獄中所著樂府述蒙難事

謝泰履天懷集

四明詩集舊詩作天懷文集蛟川者

聾歌集

四明詩集詩文草創案家傳云二卷兄泰宗序曰往余嘗一讀萬玉山房天懷弟從余

問童子業也吐棄華詞不以支爲旨他人纔其鞞悅弟獨雅意經術非復童子業矣初受知學使鄒公既矜契兵使王公兩公皆雅負月旦望者巡使趙公離使張公尤隆慕選謂一第何足溷子顧郡邑諸大夫曰無易也此英英洛陽年少者迨余幸聯舉弟自信經術之抱悉已有驗雖沾沾帖括言而古今成敗國事理亂之故悉之矣迨余以勦峒微勞制府疏敘首列弟又謂經術之施諸世益驗於是走都下條記奮柄者五餌三表絳灌何知然猶以明經高第處之天懷曰是豈以梁王傳爲痛哭流涕少酬噓嗟哉何刺虎而獲獬也此時事已不

可問矣歸而課子姪起臣陵臣輩壹讀猶之萬玉山房
也當是時五弟天童氏實借他山若以世俗之價缺然
慮者天懷以繩以樞或推或輓自邱垤至於秦山三子
者俱用屬去乃起臣實開其先天懷得無曰經術之貽
於世及不益驗哉未已也後起臣而終收繩池之効乃一
天懷年方登仕未遑稱老庸知不終收繩池之効乃一
第潤之而不足明經處之而裕如乎策獻廟廊而不見
納依之升斗於罄折乎故未老而用老是以有今聾歌
集之刻也蓋天懷嘗泛楫吳楚江廣間收海岱物匯山
川氣一澆胸壘時形之篇什以近於聲轡雅不欲與經
術並傳然時與事益未可問矣不及於其身孰若及於
其弟若子此可爲進言者勸也不得之行事孰若得之
空言此未可爲聽言者歛也何也先天懷豈然之哉夫堯
舜既沒典謨總陳迹周孔而後六經皆空言況詹詹韻
語乎惟天懷又豈然之以傳者故不與陳迹空言同傳駕
說也乃天懷又安用是哉大德不附大言不文生平知
遇負矣羽儀鐵矣安用是詹詹者爲圖之驥皮之虎也
是刻也天懷又若無所得於心姑借風雲月露以博人
意趣者不然而聾歌之名胡以命余竊謂天下何事非
聾歌者品無妍媸以人之美惡爲美惡文無今古以人
之好惡爲好惡卽立身忠孝雷心在史冊極意修詞取

玩於耳目豈非如藝者之歌功人爲之而於衷無所會
之哉雖然有聲於耳并聲於心者曾不知忠孝之足風
文章之足美又胡能歌若神明四達而託言褒如者其
志素定矣由是有歌歌以抒吾懷以寄吾憤雖陽之
詠忠孰懋焉陟圯之什孝孰擊焉歸去來辭文章莫大
乎是効人云乎哉天懷愼毋以雙歌自少也文章經術
初非二道倘讀其詩而不得其解是聽者之聲讀其詩
而未至耳論衡之後有蔡氏元草之後有侯芭自聲以聲
人千秋萬世豈少知已天懷豈肯遽以聲歌自多哉余
微揣天懷意猶若歧文文章經術而二之戚戚於親見堯
舜之弗及周孔之既沒即鄒王諸公之望有未赴焉嗟
乎天懷試問當今吾輩誰是知遇不負羽儀不鍛者又
安得借雙歌以醒天下之大聾薛士學序曰晉之柴
桑唐之杜陵其人即不工詩其人是傳也其詩即不如
今日所傳之古逸高渾其詩亦傳也夫千古之重二公
者不必以詩而二公又能作詩以自見則詩傳而二公
遂若因詩以傳予謂第以詩則人心之好尚固不一矣
又安能使千古之譚詩者必出於柴桑杜陵而後可哉
迺譚詩之家不能不俎豆於柴桑杜陵則二公生平之
意必有喜見於詩者已天懷先生吾鄉之君子長者其
生平雅量高致人皆歎慕而深服之先生固不俟以詩

見也而先生亦復能詩當其家居多暇娛情山水友朋相聚時有倡酬則長歌短章悠然自溢其風韻初未嘗汲汲焉以君子長者之意形於詩而讀之者覺其溫厚和平令人鄙累之心日遠即謂先生之詩為國風之遺可也夫先生少負經世之才而不遇今高尙矣然其生平自有足重於千古者其詩以人傳先生又不敢以自必子固能為先生必之也以咏柴桑

杜陵工於詩而詩傳者又何如哉
瑞芝堂詩一卷
蛟川備志史大成撰傳時芝生於庭刻姻友所著瑞芝堂詩一卷

胡嗣佐聊以吟
蛟川詩話范香谷兩先生所評定

謝熾昌詩集
蛟川詩話張懋延曰熾昌字翼昭生平以節義自持有詩集自為之序

李口詩集
蛟川詩話張懋延曰嘗從吾友金岳友得讀李先生詩集而逸其名案集當是河頭李而名終

莫可考其詩俊逸朗爽不涉纖靡之習而感慨激昂之概亦時露之

僧如訥供石齋詩集
靈峯寺志薛玉衡序曰供石者何

竊附數老以怪石供佛印也杜言棲錫煙霞久以詩集行世人謂杜言詩時而豪南溪為傾時而麗西湖非始

第不無不束於律耳余謂詩律僧律兩不相寬此其爲
杜言禪悅也若夫二十五圓通香嚴以鼻觀入道大士
以耳根證果心性一了隨手天花得力處未始不在不
得力處也杜言深於禪又安在不必以詩名乎余不工
於詩陞平坡老之後與杜言夙契不減坡老之於佛印
望杜言進於詩異日杜言以詩說法也余慰矣至今鐫
詩種種具目者自應珍賞又無俟余贅方承褒跋曰
吾友杜言上人宗風高敞元詣入深余五載孟浪蛟關
禪悅獨契未幾別去今歲杜言至赤城出擔頭一帙相
示近古排絕體正用葩無非以性情寫託倡倡其中意
極神超處輒作青蓮甯一日千載矣

東甌吟集

靈峯寺志越其燕序日杜言師長身瘦面

實徐探武庫劍戟森羅染翰淋漓煙雲滿紙蓋兼寶月
懷素之長合爲一人所至儒釋快觀命題分韻陡峻如
海風駕帆輕逸若落花點草絕無近日餽習氣刻已
富矣近乃出東甌三十首相示蓋因友人相約遊台宕
爲風雨所阻師乃懸想其勝託之詠吟身未歷其地而
刻畫描寫曲盡神情龍湫雁影恍在心目間蓋其質地
最高所得力於山水者深故詠山水有餘味焉師詩
不待元髮而余實有慕於惠休故贅數言於簡末云

閩遊集

靈峯寺志

徐燾序曰釋家雖以綺語為戒然

寶誌惠侶惠標諸音宿皆有聲六朝至於三唐尤彬彬

然盛不獨標奇沙門抑且頡頏藝苑矣四明故多詩僧

子有友五人如朗初休遠輩最篤方外交惟杜言未之

識也今歲攜瓢笠來遊閩中訪于龍峯之麓語吐煙霞

筆掃雲霧皎然靈一不足踰其吟懷懷素高閑豈能盡

其書法予招入社有倡必酬勝水名山無奇不涉蓋上

人為訪故人所懷來祇挾遊閩詩納行李中而去予曰素

落不稱其所懷來祇挾遊閩詩納行李中而去予曰素

中詩草富矣瓶鉢雖貧庸何傷

上人喀然而笑遂振錫東行

春詠集

靈峯寺志

姚孫森曰詩之能追琢者不能高

集擊鉢所成已兼眾美始

所謂晚節漸於詩律細耶

詩住初刻

靈峯寺志

詩住二刻

靈峯寺志

詩住三刻

靈峯寺志

自識曰顧居士曰瓦鉢簞杖破

波瀾澎湃林景窮冥若滅若沒中非無真詩似言詩無住
也余則曰詩者無礙之法有聲之心也以有聲心宜無
礙法爲心住耶爲法住耶爲有住耶爲無住耶蓋無住
之住無所不住故得離無礙得義無礙乃至悟所未悟
見所未見如飛空鳥迹畫水刀痕求之非有會之非無
是知真詩在破笠敗衲間亦在若滅若沒中居士之言
固不可思議余又謂人能住詩詩亦能住人住於詩
爲迷住詩住於人爲覺住余一片常住真心從無始劫
中已自了徹一切聲聞尚未覺其爲辭爲義顧人又安
能覺余詩所自住哉錢龍錫曰余謫居蛟川遇杜言
上人者道韻清曠詩格深穩夙已爲詞場尊勝相習愈
久篇詠滋富策所撰詩佳示余見其信腕拈來頭頭是
道韻律禪宗不相畱礙謂住歸無住可也顧錫疇曰
詩靜業也與僧最近瓦鉢節杖敗衲破笠間無非真詩
在焉杜公居海畔海波瀾洋洋林景窮冥若沒若滅中無
時非方子春可遇則欲詩之不至於此不可得也前此
諸刻已無脛而走茲刻名爲詩住將以不思議者返於
無言說之境乎夫謂不可住是未登岸之夫也謂可住
亦有方所之夫也住不住余不能知但以詩論詩者人
心自然之聲也目前山光水色雲彩煙裊何在不供詩
料而吾之性靈亦若與之會性靈常活斯機不住詩
豈得以日月長鮮花鳥自韻爲礙於道而隔於禪耶

雁字百首

靈峯寺志 虞光祚序曰昔吾邑工部華心齋先生有雁字詩三十首先生長於書書與

詩竝重於世今雁兵發遺編鮮有存矣客歲遊姑蘇友人以雁字詩分韻分題三十首見示余戲和之非曰效顰聊破岑寂攜草歸家適杜公亦有雁字詩百首出以相正再三諷繹始笑余之工力不敵杜公遠甚非在三十首百篇衡多寡也余拙於書詠雁字者以詩為詩杜公工於草聖其詠雁字者不以詩為詩而即以書為詩不第以雁之字為詩而即以雁之字為詩舉生平書法變化回合之妙借雁傳神非尋常詩家蹊徑得窺其際古人觀舞劍而書法進觀捥夫爭道而劍法奇神解心會之事必非按圖刻舟者可冀焉

憶梅百詠

靈峯寺志

山語

靈峯寺志

鉢中詩

靈峯寺志 蘇軾雁字供石玉磬諸刻

蘇軾題杜言詩云謾詠東

堪鐘鼓詞林笙簧文圃知杜言尚有玉磬編

侑堂山居四十首

靈峯寺志

宗輝芝峯初集

陳志橐 謝問祥曰淨月上人幼年嘗信

以熟熟了生涯而思仰企於天暢祕演之列出其智發憤為詩賦敏捷可喜詢怡禪之妙有得於語言文字

者已

國朝

劉上庸惜羽編十二卷

蛟川者舊詩 乾隆志 蛟川詩話無卷目

謝泰定寄怡偶集十卷

乾隆志

款雲樓秋集一卷

乾隆志 兄泰宗序曰蓋何子讀昔

夫雲果可款者哉吾弟天申氏覽其詩而和之筆飛墨舞非不見有雲可款者矣夫雲不可款而款之與無雲

可款而款之果孰幻而孰真雲已去而筆底之雲不散詩未就而雲中之句已迎又孰迹而孰神將無總被浮

雲使耶夫有真有幻有迹有真有神故能觸石騰空膚寸而周天下何神何迹何幻何真以無敗之胸攝之理承屯

泄意行臥天則無往而非雲氣之所台也天申誠自顧其胸何若矣不必仰睇夫雲也又自顧其胸之無敗者

藝文集

云

若何矣不必有心於款也然雲豈易款者哉在人身膽
爲雲以與天地參也膽能斷制若雲之出岫膽繞智略
若雲之呈彩膽足揮灑一切若雲之排空而屏迹則所
以參天地者不待徵之風雨露雷而始見焉今披之性
情發爲歌詠亦有其出岫而呈彩者有其排空而屏迹
者莫非陰陽之所摩盪山川之氣之所環聚而效靈者
也天申款雲哉雲款天申哉天申款雲自有情之無情
賢女化貞石山邱化百合之說也雲款天申自無情之
有情老楓爲羽人朽麥爲蝴蝶之說也兩說具在非天
申其孰正之余惟有情之人多爲無情所款聲色貨利
至無情者而人入其款中至濡首而不能出及酬勸
既終非但不能完其前好且徒增噬臍悔恨之苦夫善
款者亦思所以爲善別之計而可也生趣太濃則死
能別富貴與太濃則貧賤不能別款安在哉亦將爲干
呂之客所笑矣即雲而論周秦韓衛異其地山川旱潦
殊其象取舍於是乎生即貧賤生死之紛念也而款之
者何知即忽蒼忽白轉盼炫人與電光石火同幻而款
之者又何知惟能善別所以稱善款矣今將挾囊持贈
布款之微情則浮蹤野迹豈爲我畱即翼布垂天盡款
之極致忘與旅之野七聖而同迷姑致之以詩而被款
者無情則款之者亦無情倘致之少乎哉又余以何子見雲
則款之者亦有情可也詩可少乎哉又余以何子見雲

而款意固卽與雲遲天申未嘗見雲而款滿目
皆雲矣天申款雲雲款天申尙以爲說之支也

天申集六十四卷

詩文草創李璣序曰蛟川謝氏爲余家三世同譜先司馬於觀察公

先儀部視天愚先生皆如蘭雁而家季昭素復偕慶臣
同舉於鄉尤最契云謝氏簪紱之盛甲海內淺人羨積
笏雅流驚殖學而不知其砥礪好修相率於操行盡慈
明有道之侶季布朱家之匹而天申先生尤卓然於文
章於行誼大經世之略而裕應機經變之才者也余曩
歲去燕邸獲交天童靈昭兩年翁未幾修絮酒而哭天
童於位因得覩先生丰采莊莊粥粥不苟言笑余望而
加肅自是益心折之何子長人操行士不妄諛悅人於
先生誼則渭陽交同研席其心賞最篤焉生平好尚亦大
略相類殆云無忌酷似者耶茲閱所撰行略皆一一表
著信而有徵嗟乎薄俗澆凌戈予骨肉且有口曾閱貌
於陵者海晏逆孽誰不庇之昌平絨騰誰不利之如雷
羅則荒政舉畱鎮則應卒神泥灣渡筏弄弁如兒柴樓
礮聲玩寇如草至若灼艾燎鬚借援排難典塾課讀百
城著書此固天性特優孝友俠烈迥出儔伍亦由學力
沈厚故其著述之富伯厚避席用修扶輪無怪也獨惜
是六十四弓欲資枕祕未負車苓斯實雷電相將於兵
燹乎何有余且醇酒遙天冀得紫泥送簡竹書啟匣奚

躍如之先生於嗣君之行著十六字箴親民實訓及理興要略盈數萬言慶臣年翁稟令承教奉以周旋卽先生澤惠庶郊光遠有耀始知向之卓然於文章於行誼者果有用之學而非玉矢金弧第爲矜美已也續彙彙小音學山未至何能拜颺於萬一敬書數語以志景行云爾康熙甲辰

虞爾昭詩集一卷

蛟川詩話

謝泰交天童詩文集

大雲堂集詩文草創作天童集五卷陳衷赤跋曰夫文以人傳古人

無意爲文而文益工今人有有意爲文而文益薄此文行之不相符而古今人之不相及也余與天童交二十餘年其待父兄者以至性其待朋友者以罔誠至有發於所勇感於所激雖賁育不能下人或以癖視之而不知其於性天無愧非若今人之有意爲文僅持守顯而已而發爲詩歌古文與之所至墨妙辭敏筆不停濡亦非若今人之有意爲文修飾華藻而已天童少年嘗苦病病愈卽強記博覽趣至卽拉一二友朋登山浮海遍足迹所至奚囊往往不絕定固濱海地僻瀉瀉無高人韻士往來其間得天童而吾邑爲之生色蓋山川之秀有特鍾耳及其薦書都門同登者不下百數輩而燕趙之士酬歌慷慨必樂與天童遊蓋其學問力也抑亦情至

而然與夫今之爲文者有矣如天童之言辭迅發率性而出者有幾卽有之而言不符行待其父兄朋友者如此形爲詩歌古文者又如彼豈其初有意爲文而必強符其行哉其於古今人之相及何如也今其人往矣其文具在可以徵言行之自符而相顧爲有素矣嗣君乎吉不忍其父之遺書湮沒勿傳又謂余相識久頗習其生平乞辭其詩與文

蟲天集

乾隆志

兄秦宗序曰文至秦漢止矣詩歌胡

漢以上則不能不波以視於今猶夫秦漢耳今郁樸之士虛稱復古比事綴詞求所謂靡麗之文百不勸一斯其視秦漢上哉余奉先君子之訓與諸昆季從事六經左國諸書錯綜情文根極理要靡麗之至矣或得其肉或得其骨惟天童弟爲得其髓而犁然有當於心天童之言曰六經原本孝友吾不得而議矣此曲而直隱而顯非杜預所以成癖乎遠鄙倍飾命令非子厚所以隱情乎癖則成癖隱則可非彼於孝友未數數然也夫天童豈徒與古爲徒者哉守章句者罔識秦漢爲何物至成一家言無以名其實之所存卽詩歌胡爲者今天童遺藁具在豈無曲而直隱而顯可以定詞行遠者是不可不求其實之所存以相爲砥礪也天童性孝友研於古而

益厚之其發為思親百詠者永慕之感也其抒為防海
機宜者錫類之仁也即行歌卧語總與觀羣怨之資蓋
實愁而文著焉余惟登枝欲扶其木五常為吾儒之筆
舌是集所遺先君子實式臨之余偕諸昆季心服而未
容盡立者也倘粉其題頰兩其涯須即詩歌又何為者
然則以詩歌視詩歌即天童之秦漢也以詩歌之實為
詩歌即天童之孝友也詩歌非古秦漢為古秦漢非古
孝友自古惟天童弟為得其髓也靡麗云乎哉既其文
不既其實揚雄之所為靡麗百不勸一者也既其實光
麗者方知秦漢之所為靡麗以一該百者也夫有進於靡
麗者方知秦漢之所為靡麗以一該百者也夫有進於靡
為掌文之本天童意以予言為僞美哉是編也猶子允
昌實董成之而薛陳鄭數子竝借較隣是
亦足驗天童孝友所臨而傳古為不負矣

燕臺集

天愚集

蛟川耆舊詩作燕臺草

兄泰宗撰

寂與彌豪上是以有

燕臺諸詠之集云

蛟川

思親百詠

詩話

何壽人驚鳴詩集

天申集謝泰定序曰詩之義何昉乎
昉乎思也思之所至即牧樵樵夫商夫

遊女皆能迅口謳吟任天舒寫後世騷人墨士必欲審
音協律以文其固陋而思之致遂有其畔詩之旨或失
之誣庸詎知古今磨瑯於天地者無之非詩也是故
鳥語蛩吟蛙聲蟬噪詩中之響籟也奇花異卉時至物
生詩中之藻績也青山白雲惠風良月詩中之景物也
離情別緒夢想魂交詩中之情愆也盈字內何人無思
卽何在非詩然而思則得不得也古者采風問
俗吹銅鞮瑟大都於笙歌巷詠託興賦比而樂爲聲詩
之祖良以此事暢辭因心寫照其眞情至性有畢露於
謳歌吟詠之間者粵自皇娥白帝鄉雲帝載之歌興以
至麥秀採薇白雲黃竹變而爲十九首五言律又變而
爲柏梁西崑六朝三唐今且變爲濟南景陵矣世變代
隔家異人殊各自爲體而反置思於不講夫詩而廢思
豈復有詩哉何子壽人家東海名山水間見嶧嵒巖案
山川奔放思之而得高深之致見瀟流浩波溪綦澗繞
思之而得浩蕩之情山鳴谷應感時應候思之而得時
物之變草生木脫代謝榮枯思之而得消長之理仰觀
俯察動騷靜維何一不足以鼓吹詩腸笙簧韻府而況
出以靈心慧性架學飛才故其爲詩屹然其聲以秀也
劉然其清以漣也鏗然其韻以悠而諧以律也蓋詩一
系乎思則組織精工經營慘淡凡天下之有響有韻有
藻有韻有景有物有情有態皆森列而助吾思維所不

及故取靡窮而用靡竭浩乎其不可涯涘觀乎其不可
町畦古人所已到而思能致之古人所未到而思能啟
之思之際量且將上追百代起古人而與之游而達問
孰者為正變孰者為盛衰哉夫詩有體裁而思無體裁
詩有格律而思無格律任性而出矢口而陳逸韻天然
自成機杼語云思男不妻而感思女不夫而振思之所
結能化無而為有能出鬼而入神況乎聰明才慧人所
自具不思則不得思之而庸有未必得者哉若壽人者
可謂能自得詩者也

屠粹忠采芝堂詩集

抱經樓書目
白韻中流亞也
洪圖光序曰王謝蘇

朝唐宋韻於時非地與時能韻人其人顧自足韻也胸
蟠錯者不給而藻性茹煙霞者不望而幽苟其欣逸
書史弄吟花月則曉窗鳥語夜漏梵音無非吾性安在
弔湘君於三楚挹蛾眉於天半哉同社之巖世產江辭
城齒齧青浪花弄白帆送夕陽晴翠春雨早已排蕩其
襟次雖紆紫綬而憩棠陰猶然物生之末孩也眺嵩臺
而探河洛臨淇澳而美伊人十里虹橋萬條柳線吁噫
唱數短拍長歌無之而不韻者也無之而不韻無之而
不吳山越水也奚必王謝諸人六朝諸勝乎余自臨牀
藝圃攘臂騷壇有日矣覽此新編蔚然霞舉其淵源蓋

有自前赤水田叔兩先生詞雄一代茲以糾紛簿書當
棧荆風露中獨曠然自命以無隕乃祖風豈時與地能
限哉其人因自足韻耳毋令西
湖樓外歌吹暖風集有千古

栩栩園詩二冊抱經樓書月汪晉序曰詩本性情而

何如詩陶淵明高蹈遠寄故其詩多沖淡而有餘韻杜

工部滿腔忠愛故其詩沈摯而多頓挫他若青蓮之豪

邁不羈浩然蘇州之清高出塵韓柳之淵奧溫李之逸

麗蘇陸之識力堅到其人其詩亦莫不相似于載而下

讀其詩必想見其為人苟其人為君子所養則詩多

可采識者猶議焉四明屠芝巖先生我垣中前輩今又

同官廷尉昕夕相從真學道君子也先生口不言詩而

著作甚富昔台封邱刻十二冊垣中請假家居時約為

六冊前歲出六言授梓士大夫傳誦一時紙貴都下今

又約為二冊誠集眾腋以成裘聚真金而百鍊皆散言

大義不刊之旨也先生居諫垣所入告者莫非仁慈愷

佛惠愛中外之言奏議在國史可考而知也其平居隱

約自甘恂恂若不出諸口閉戶卻掃靜觀返照其於勢
利薰灼皆有夷然不屑之致林居樓選先世赤水先生
園中花鳥風月莫不發為歌詠故其詩刻畫深到寄託
高遠自言其所得絕無浮飾影響之談殆合陶韋柳陸

而爲一人者也有先生之人而後有先生之詩豈與襲唐宋之糟粕飾聲病之文詞者可同日語哉

陳錫嘏兼山堂集八卷

四庫存目

鄭聚序曰吾友陳

培

庭先生一卒世遂有從而歎其無成者謂其晚而後遇天不假年既無所設施見於當世而又平生不事善述無以傳後蓋平昔之行而使其設施僅見於家庭倫紀之夫以先生之學之非先生之不幸也至其不事著述者豈間同世之不能哉入乎其中而知其甘苦觀乎世之立言者而深有所恥耳曾子之思昔者吾友也曰有若無實若虛如先生者庶可謂之從事於斯矣彼議之者其人其學不知自居何等而顧挾其尸行肉走之勢以加於蓋棺論定之人余嘗聞而恨之己巳南歸因從先生合子莘學索其遺藁意欲錄梓行世以開議者之口而奇零散軼粹難策萃選勝拔尤俾得文若干卷都爲一集或者見其諸體未備恐不足以成家余謂文視其可傳否耳豈以多寡論哉古之人文生於情往往不得已而後言而其言之也一生精神皆於是乎在故雖更千百言之久而讀其文者猶可以論其世而想見其人此立言一事所以居不朽之一也今之爲文者其中原何所有而徒欲飾之以爲名高往往得已而巳或抑揚頓

挫於章句之間以號大家或擬拾掇摭於經史之中以
鳴實學而究於一己之精神無與則有此人之文而可
用之於他人彼人之詩而可借之於此人者矣紙墨未
乾已先腐朽盈廂累帙之多豈足以誇一時而欺後世
乎先生是集雖少然試一讀之天性之篤摯學問之精
微立心之忠厚制行之和平初初焉不啻對其人而與
之語蓋惟其不輕於立言而所言者皆出於情之不容
已故能精神煥發一篇之中必有一段不可磨滅之處
如昔人所云也若必求其諸體俱備而後成家則屈之
騷司馬之賦孔明令伯之表子卿元亮之詩其不克與
今人鬪富也久矣由斯以言先生平生之固所不恤余又
是乃其深於著述者也議者之曰先生固所不恤余又
豈必爲先生辨哉余忽忽北土未遑一言爲序今年
九月華學慶書來促念鍾期之既逝流水之言欲絕矣
率略數語孫子荆之驥鳴耳先生有靈倘亦有鑒余情
於意言之表者乎提要曰是集爲慈谿鄭梁所選錄
凡文六卷詩二卷頗不失規度然錫綬
本以制義擅長此則其餘力及之者也

謝泰瑞海隅集

從子兆昌撰傳案

許應禎許伯子集

書巖集蛟川詩話

薛士學序略伯

鎮海縣志

卷三十二

藝文

集

无

辭以驚俗云

盧宜鴻遠堂全集十二卷

續音舊詩 全祖望曰 先生詩樸直中有雄氣

謝歸昌詩集

陳志 棄

和陶詩

陳志 棄 靖節墓作和陶詩一卷

家傳歸昌令德化時

謝廣昌燕遊草

刊本 案廣昌字載歌是 草附其父泰履聲歌集後

謝兆昌閒居集

輶軒錄 蛟 川耆舊詩

詩文章創

陳志 棄 蛟川詩話作蛟川詩文章節 自序曰余幸承祖父家學于澤所遺時屢心目

外家則兩巨公高文鴻冊見聞諸案至案中所載三卷
三卷諸人皆朝夕聚首相與上下其議論者耳目洵極
一時之盛然欲因是而推之嘉隆以前則文獻無徵矣
況欲等而上之乎豈昔人所重者在立德立功而於立言
姑委之末務與抑其時無好事者多力宋海遂至湮沒
失傳與乃憬然以思及今不一為揚雄則後之視今猶
今之視昔也後死之責將誰與歸用是不揣鄙劣妄為
論定又以日薄崦嵫急思就緒疏略甚多冀後有起者

踵事而增使吾邑風雅尚存梗概則必以茲編為嚆矢矣康熙甲午

陳夢蓮省菴詩文鈔三卷

陳志

芝鹿園草

蛟川備志

傳嘉讓問梅堂詩集

百篇以來歷秦漢魏六朝至唐而遂以取士然今所傳者應舉詩絕少間有一二不足動人蓋依永和聲關乎情性其藉為追逐世好之資與僅充筐篚羔雁之用皆無當於詩者也若幼澤風雅無意仕進朝不坐宴不與家庭之內安常處順無陟謁屺岬之悲與脊令在原之急所留連朝夕往復唱無歎者惟朋友之樂居多君又性好客四方賢士至者無不賓也以故家亦稍落然君終不以此自衰止嘗訪友桂林地處僻左而山水重於天下巒煙瘴雨啼鳩愁鵲皆足以發詩人之懷故鄉人相聚則登然以喜聚而別去則戚然以悲宜鬱導滯總於詩焉寓之日久而遂成集春秋時列國名卿大夫班荆道故咸賦詩以見志而識者若一一洞悉其生平君為人肝膽洞豁無齟齬不吐之態太白詩云若議方寸心更誰可傾倒世有欲知傳子者必於是詩取之矣李

時培序曰詩者性情之所發見而亦人品所由分也朱晦翁論觀人之法曰凡其光明正大疎明洞達如青天白日如高山大川磊磊落落無纖芥可疑者必君子也而其渙然回護隱伏糾結閃爍狡獪不可方物者必小人也有胸有性悅而見之於詩能光明而磊落者然則不知其人觀其詩觀其詩即可以知其人之性情矣傳君公孝與余交三十餘年其事親孝取與廉而尤篤於朋友之誼凡有緩急不惜傾困倒屣以相給以是家益落然君初不以有此意凡朋友自遠方至者必延至家暢談竟日花晨月夕對景生情流連感慨銜杯倡和故其所作皆光明磊落之言無離齷齪之態日積月累久而成帙余為擇其百首梓以問世是亦卧龍之片鱗也然而公孝之性情梗概亦略見於此矣是為序

友石齋集

蛟川詩話 蛟川備志 蛟川書齋詩作友石居素

李文偉淡圃集

蛟川詩話 張懋延曰文偉字紹仲歲貢生晚年自號淡圃薛士學稱其類於場屋

箋五十年歌詩瀝

薛士學書巖集

乾隆志 蛟川書齋詩 馮景岐序曰先生賦性高簡淡泊一切人世榮利聲譽之

事絕不以帶於胸中年未艾卽謝去場屋旋貢自學
不赴惟時時喜讀書作文不以寒暑晦明少壯衰老易
也其爲文源本經籍而取材於史實實典茂自成一
不肯襲唐宋人門戶雖短草片簡莫不莊雅可誦雅
喜與俗人語偶問燕聚坐有談及官府里井事者必
面斤之好茗飲或連數日吾生平無他可傳可
傳者獨此一事耳晚益銳志理學每得宋元儒先語錄
文集必盥手抄端坐而讀之今集中所載者過半大
抵皆志其考訂遺佚景仰而賢學不已之意蓋其學
問精進篤志不倦如此并詩古文辭擅名海內入史館
推著作鉅手暮年登第交遊聲氣幾遍天下而先生足
迹不出蛟門百里間與其徒講道論義於荒江窮海之
濱終身褐衣蔬食晏如也兩先生飽飫經術而無所施爲
自四十時湛園爲壽序感先生飽飫經術而無所施爲
爲可惜又四十年先生之願復自京師爲序走三千
里以贈深自悔其四十年之願復自京師爲序走三千
途而不知返而羨先生能隱聲含美自樂其志謂爲有
道之流非已之所能幾及則先生之爲人可知矣當先
生未歿前數年有唐君鴻舉者謁選得鎮海令湛園錢
之都門具道先生之所以唐君至未數日卽戒驛從造
門先生謝不見亦竟不往拜唐君復亟請先生曰某布

衣誼不當私壽令君必欲見者於朔旦日學宮行之可矣唐君如言至日侵晨謁聖後即肅衣冠以俟博士遺役趣先生至則行相見禮酬答外無一語及他事卒成禮而退唐君以是益重先生先生列唐君固非俗吏而先生於學使者俎豆於鄉先生之也予於先生為晚進而先生忘年之契憶予館謝氏時先生一見謂可與語自後暇日必過予齋頭談說論議至忘晨夕先生不以予之不學而獎進之今去先生之歿忽忽幾二十年于亦幡然一老翁矣學殖愈荒落愧無以副前哲期待之意得載筆以記先生之手定本不敢有所增也然亦足矣故兼識之一係先生之手定本不敢有所增也然亦足矣故兼識之湛園唐君之事使人知先生之文且足以嘉二子之能為先生先生之人實足以重先生之文且足以嘉二子之能為先生先生圖其不朽而樂同志之克相助以有成也康熙乙未

張昇澹甯軒橐

乾隆志傳

鄭維馨越遊草

天愚集

蛟

和天愚山人菊醉吟百首

薛士學謝秦宗傳

案蛟川詩話作和謝給諫菊醉吟詩

百首

謝緒敷東井軒詩文鈔乾隆志傳

劉行可香山集乾隆志傳蛟

邵元觀偶言集詩文草創蛟

鼇江草詩文草創

知非草詩文草創

扶桑吟詩文草創

李琦三白居士集采訪冊

張學伊靜廉齋藏橐蛟川詩話

家風世守錄乾隆志傳蛟

歷朝六言詩鈔乾隆志傳蛟

張學濂繩廬彙

蛟川詩話 蛟川舊詩作繩廬漫草

郎作霖寶山集

蛟川詩話

謝緒宏燕山吟四卷

乾隆志傳 蛟川詩話無卷目

旅遊草二卷

乾隆志傳 蛟川詩話無卷目

李眉晚香集

蛟川詩話 案乾隆志以是集屬之文偉子諸生

謝緒敬望道樓詩草

陳志案 寫性靈而巳 韓續弗向也 顧

非博之乎義理之趣綜嚴乎千百年之事實而了然有
得於中則雖日馳騁乎風雲月露之間而所謂性靈者
皆囁嚅也於天籟何有哉予嘗聞昔人論詩之大旨曰
詩有別腸非關學也然不多讀書多窮理則無以磨其
才識而裕其原本旨哉斯言足為近日詩家之鏡砭矣
從叔父小江先生幼有大志好讀宋子全集屢試鎖院
不售則壹意畱心經世之學隨其所讀纂輯成書毅然
若可坐言起行者蓋有感於世之人日汨沒於制舉帖
括之內以弋取聲譽而毫無實際一行作吏而漫不省
事故思矯其弊而力砥之然則揆先生之意尚不欲以

文名何有於詩然惟如是而先生之詩有不可磨滅者矣昔紫陽以身集理學之成孔孟微言藉以昭揭然觀其集中所載諸體詩何嘗不足奪供奉拾遺之幟特不若世之言詩者月鍛歲鍊以求工於聲調對偶之間而耗損其精神於無益之地耳讀先生之詩者知以此意求之則雖全豹一斑而於先生之理學經濟亦有可窺其端倪者矣予慨夫今之以詩名家者胸中無數卷書供其驅使而好為韻語以充投贈羔雁之具剽竊既得漸不自知其端雖極淺劣之作而公然付之剞劂可謂前無古人詩道之弊有自來也安得出先生之詩而一救正之雍

正王子

括蒼文存

乾隆志傳
川者舊詩

蛟

邵汝望詩集

蛟川詩話

方學詩集

蛟川詩話
康熙甲午舉人

案學字

謝緒恆問渠集

蛟川詩話
乾隆志傳

蛟川詩話

蛟川者舊詩作

子朔自名其所為詩也子朔少受業於余其祖父伯叔俱以善詩名吾甬言詩之家莫或先焉子入塾後得與

其羣從為詩子朔方治制舉未遑也及長始稍為之
子馳驅南北不知子朔能詩迄子朔遊京師經歷道途
山川往還友朋投贈乃大發於詩哀然成帙名流稱賞
延譽顧子終未見其詩午未間子朔與余各遊宦轅輔
不得遇起子之歎無自而發庚子朔中京兆舉歸子
亦乞休家居癸卯秋訪子朔於絳川始出其藁正余而
乞為序子覽之和平溫厚者其氣纏綿愷惻者其情文
不害辭辭不害志若無意於求工而工出焉嗚呼子朔
工於詩蓋久矣而子年至八十餘始獲見之則子朔寄
託於詩而不求知於人不七名於世概可想見非今世
可比也廬陵有言窮而後工子老且窮為詩至五六
年而尚未敢自信其為工子出子朔下矣集名問渠為
問子朔之渠深廣若何盈科後進放乎四海渠之體也
灌原隰供濯漑渠之用也體博用宏以是擬子朔之詩
出而清窮明堂鳴國家之盛處而散石枕流挾風雅之
英極江滿之澎湃薄沼沚之渟澄子能限子朔之所至
哉乎

閩遊草
詩蛟川

古文約編
乾隆志傳
蛟川書舊詩

蛟

歷朝詩藻

乾隆志傳
蛟川耆舊詩

蛟

王諭夢茅集

蛟川詩話

乞丹集

蛟川詩話

自序略天馬行空不受羈勒惟李

若下筆不超黃太史所謂古人但學蘭亭面欲換凡骨
無金丹也張懋延曰余讀乞丹集有霧鬱雲興龍蟠
鳳攫之勢使望者目炫
心悸正復氣聳神涌

朱紹懋梅朗集

乾隆志傳

洛吟草

乾隆志傳

案乾隆
賦雜詠

沈景濂還齋初編

乾隆志傳

還齋二編

乾隆志傳

謝兆昌曰會中詩出入
於唐宋之間天然秀色映帶眉宇

李日孚詩集

蛟川詩話張懋延曰余少時曾見李日
孚萬邦詩集伯兄耆舊詩嘗列其名云

萬邦詩集

蛟川詩話

虞廷侃忘憂草

乾隆志傳

謝秉昌西堂草

乾隆志傳 詩文草創 蛟川詩話作西堂小草

閒情草

詩文草創 蛟川詩話 謝兆昌曰對越所著

一枝梅寄古人情荆山采去誰非玉漢水貽來總是蘭
憐妻善病占乾鵲臨事多疑類野狐不將蜀酒濡頭醉
恰遇殘棋袖手觀形骸可略憑兄弟鄙吝難消畏友朋
已讓驀驪千里路常思鴻雁九秋天着屐一生須幾兩
敝裘還是值千金久著書籤消歲月偶從藥裏問君臣
客依不榻心俱寂偕定茅廬偈亦無帳中客箇支離客
燕市閒消米數升荷鋤劉伶死便埋先生笑彼未忘骸
薄俗近來多忌諱逢人莫便說窮愁五言如苦樂看始
面艱難憶汝身并餘無味助鑪撥未然灰為農良不易
仍欲事操觚比來常豁達屢得讓賢皆雄渾不雕琢
而自工

方堊薊閣集

乾隆志傳

謝允昌詩集

省菴詩文鈔 陳夢蓮序曰吾友孚吉謝子
夙稟家學天性孝友與羣季更唱迭和寢食

於柴桑浣花之間所著詩篇皆陶寫性靈一洗雕績之習一日出詩示余余見其贈和遊覽諸作淡宕於天空海闊之中悠然得句意不在詩而語語無非詩殆君之性情所發抒而筆隨之歟

無名氏甲午集一卷

五於齋藏本案是編皆詩彙首簡脫落名氏無考集中稱謝兆昌為先

輩又有寄傅嘉讓謝緒章詩知為康熙甲午也

陳錫光秋巖詩彙

陳志

謝功昌夢圃詩集

詩文草創我璉序曰余赴塾蛟川間交於謝子在武是時各負盛年心壯志

得暇則與其兄對越刻意論詩互相切劘一時羣從若大周孚吉維賢諸君各精研舉業不及詩迄余別去奔

走四方間十餘年再過其地則諸君競以詩名春草池塘雪尊奔墅皆中郎羣從相酬和之作居多噫謝氏多

賢而余得一二辱交何其幸也丙戌暮春復訪之屈指契闊倏忽九年則在武已老日就頽放詩亦不復作矣

嗟乎才如在武抑塞不遇僅假蟲魚草木以抒寫其悶悶無聊之概詩雖工豈不重為造物者惜哉既為點定

且序以遺之予之言固不足為君重他日有覓君詩者則予且得藉君以傳而使天下後世知吾儕之窮且

老面均不得志如斯也

謝緒章見山初集

陳志榮

自序曰余書室在城之北隅

平日所爲詩而題之曰見山集余之居是室也山光悅人陰晴變滅風博潮汐近撼城闌日援琴三弄而止悠然遠寄不知天地之爲大而此身之爲小也偶有吟詠多率意而成不求其工亦復自喜或曰不工之詞無與風雅詩固可以苟作乎曰不然余獨愧夫不能養吾性而益然出之耳若雕琢致飾以求工靈源不涸一障乎今夫琴雅樂也神不凝氣不斂而驟焉案之指下微開格格不相入使學操綬者吟猱注綽雖未盡致要不與器一者乎況進此而旨淡於希聲趣領於無絃者乎夫詩之爲道大約不離此意近是陶公采菊悠然見南山而欲辨忘言不啻千載畱此佳境以待後人之神遇也

見山二集

陳志榮

鄭性曰北溟所爲詩見之四明

曹鏗聞居雜詠

陳志榮

餘年吟陳志

陳丹詰偶然草二卷蛟川備志陳志棄無卷目陳汝

讀書之下嘯歌吟詠以自為其幽懷久而成帙頗其名
日偶然草箴六之意特以無心思索信口隨歌云爾讀
之者覺即景陶嘉綽有天趣非規規摹擬者比也

王鶴遷詩集蛟川詩話張慈廷曰鶴

陳錫由雅哲園詩文集十卷陳志

張懋建介石集十二卷川詩話初集四卷已刻孫嘉淦

序曰鎮海張子介石幼稟庭訓好為淹雅之學其於諸
經籍潛思博覽者有年乃以所著經說及雜撰之文來
質證其間旁搜遠紹疏通證明貫穿百家包羅餘子可
謂有本之學余樂為檢閱之憶昔余為祭酒時張子以
選士入成均余即嘉其器識溫雅非凡材可比舉為胄
子師分司教事既浙中開府上蔡程公臨磨博學鴻詞
之

詔旋魁京兆試才名籍甚公卿間而張子始終師事余

不稍易其志夫人志定則神靜神靜則養達當其中心
所孤詣或亦無能以告語而於文則抒其所得而與昔
聖今賢相印合誠有自立於不朽者故僅以文詞才張
子而實未得其深也君至往旆誠內行潛篇而尤篤於
師友之誼其爲文蓋有本焉非貌而襲也京師集四方
人士之盛其聯車轉結衣衽而來遊者梯榮焉耳媒利
焉耳君處豪華富貴之場而青袍芒屨淡然自樂日引
諸生徒娓娓陳經義不倦復以其餘力習爲古文詞夫
古人之文固不必有意贊譽其工拙而治經貴明經更
不必人盡兒寬以經術致通顯微治經之效也夫惟研
慮暢心而道充於身直達性天之奧庶幾有當焉向其
敦勉乎哉周長發序曰吾友張君石凝爲女根柢理
要不煩不支其質靜以樸其氣和以舒其議論曲而中
其敘事整而有法於諸經尤長於易與禮往往多所發
明其積而至於數十百篇而爲之尚不知止嗚呼亦可
謂勤矣哉夫而東山海之會地勝而人物代有在明盛
時桂學士彥良賀給事欽張尚書時微陳僉事束屠主
事隆沈布衣明臣各以所長著聲一時其流風道書至
今存焉石凝起諸公後與相長雄殖愈富而業愈新開
亦事之甚快者矣往歲制科之役余與石凝皆爲新翰
府所舉故又爲同年生以余之陋幸試入等得任官翰
宗而石凝以彼其能獨久不遇尙臨孝廉名籍中何天

之厚石窺以文而復使連卷如此耶然士之遇合遲速
固有數存其間其不可速致者數之自然其挾所有而
要終無不遇者則理之可必也夫君子於事亦賢諸理
而已矣故余序石窺之文且以決石窺之遇其文之偉
環卓華而可喜者足以爲石窺信其可傳其他不足爲
石窺歎也國柱序曰吾師介石先生標尚清省力探
醇儒之奧變漢之渾唐之麗宋之清明之雅胥斟酌而
蒼萃之其課諸生發抒心得指畫章程一以古大家爲
規範則於此中有獨到者矣蓋舊聞之王通學聖人之
道教其徒王魏房李輩得以興太平定禮樂胡安定教
授蘇湖德藝並見朝廷獲收其用今游先生之門者多
以名賢陸清要而余兄弟亦得先後報科名備員詞館
斯至於今之立言者顧先生首齋治寂渾渾無悶容整
躬淑世踐履於道藹乎冲和而淵厚粹然協合經術而
爲人倫師蓋古之儒者不愧矣夫豈肯以文人自命乎
而由其所爲文循諷卒業焉原本經術郁郁炎炎其所
以紹統於古大家者百川嘯喻五嶽鼓舞吾安以測其
所底哉夫人情每私於所稱而阿其所從學吾所信安
必人人信而傳之然苟熟復先生之類彙其必有旁皇
駭歎以爲古人之無所甚難也余豈阿私其所好耶皇
庭學草八卷

子志熊撰行述

乾隆志無卷目蛟川

詩話作趙庭草

集

毛

石負大名於甬上耳其人於矣庚戌至京師始獲謀面
讀其文穆如也劉如也其古作者乎讀其詩宏博而幽
深沈鬱而頓挫而一種蘊蓄涵遠之氣別具天真于竊
訝之既而稍稍與狎見其行笥有母夫人遺像每對人
嗚咽不自已蓋陟屺之情幽明弗隔也長安屋椽庫下
蝸舍劇談縷縷如家人且以逮事若翁遠離為念且以
介石真至性人也東風至而酒湛溢其色憫然予始信
或感之也予無似而最善病潦倒京華幾至三旬九食
衣綈頻穿顧介石誼如骨肉博士餘儒不吝推解凡可
以為子謀者靡遺餘力管鮑雷陳豈必在黃雞白犬間
哉傳所謂願親信友必本於誠吾於介石向何間然陸
生云詩緣情而綺靡坡公曰士之賢者恆見於顏面而
發洩於詞氣非可以苟而已也介石努力教崇明德黼
黻

盛時切論則秋霜春肅溫詞則冰條吐葩言歡則禾梗
怡顏語切則偶像滂沱苟具真性
奚之不可言於介石有厚望焉

唐詩補選八卷

蛟川詩話

行述

乾隆志無

蛟川耆舊詩六卷

龍軒錄

乾隆志無

武安風雅八卷

蛟川詩話

序曰古者命太師陳詩以觀民風

凡以

詩者志之所之在心為志發言為詩故驗風俗之盛衰見政治之得失備當時輶軒之采而為後人觀感興起之資舍風雅不為功清漳故才藪為朱子過化之區長秦漳隸邑也山川靈秀文物蔚興立朝建偉略在野樹芳規固代有傳人矣而出其緒餘又能寫性情關歌詠庶幾風雅之遺然年世久遠盛衰循環雖有長歌短詠幾散佚於荒草蔓煙之中藉非有嗜古者彙集成書何能久延弗替耶余奉天子命分巡漳南省方問俗每於屬邑倦倦致意長秦令張君以公餘修飭邑采余既為之序矣近采邑中賢人君子自宋元明以至國朝人各有傳傳後有詩不拘古風近體彙為一集顏曰武安風雅復問序於余蓋武安者長秦古號風雅者詩正宗也余聞朱子論古今之詩凡有三變自書傳所記虞夏以來下及魏晉自為一等自沈宋以後定著律詩下及今日下及唐初自為一等自沈宋以後定著律詩下及今日又為一等今武安是集未知與朱子所論三等孰堪比擬然詠歌所傳遠自朝廷近在閭閻旁及友朋酬答所以立綱維垂典則論世知人備聖朝輶軒之采而為後人觀感興起之資未必不有取

於斯焉然則張君集

集之功顧可少乎哉

邵星瞻詩彙

蛟川詩話

張懋廷曰星瞻好吟詠每一詩

散佚

謝聞祚籬雲樓集

蛟川詩話

巢鵲軒集

蛟川詩話

無師草

蛟川詩話

慕園草

蛟川詩話

蛟川

家園草

陳志棄

陳景沛曰參戎李

歸田草

蛟川詩話

潛蛟語

蛟川詩話

光溪偶吟

蛟川詩話

緱城遊草

蛟川詩話

北行近體

蛟川詩話

西行雜詠

蛟川詩話 案家傳簡祚全集名并日軒詩文鈔

公車唱和集

蛟川詩話 張懋延曰濤山師於戊午冬與弟存之赴禮部試同行者先孟氏介石

先生及甬上郭孝廉彥博張孝廉夏桂風霜

旅店吟詠頗多好事者彙為公車唱和集

包石公編虞殯集

蛟川詩話 張懋延曰余婦兄包石公以孝廉掌教咸安宮聞其母范太孺人

訃歸里治喪虞石公公有舊者皆為哀歌以輓之石公編之成集

張懋廸僅存草一卷

乾隆志 蛟川詩話無卷目 弟懋延曰仲兄弱冠而卒後余檢其篋

中詩彙而錄之天

張懋延求定齋詩集

蛟川耆舊詩家風世詩錄集作草

蛟川詩話

蛟川耆舊詩家傳作四卷

王文獻遺集

蛟川詩話

張勳延日文顯字子仁諸生

謝鯤祚金臺雜著三卷

蛟川書舊詩秀有風人之致

著述輒散佚而失傳一日得北溟先生金臺雜著而讀之其論昭君有感於世之負才不遇而不得一人扼腕徒抱紅顏黃土之悲如昭君者曷可勝言先生之志可哀也已先生以名諸生兩遊京師不憚奔走數千里假棲遲衡門優遊歲月著書以樂志者為何如耶先生素畱心經濟之學有問津錄一書其志將學為有用者與夫良材當養山中輪囷盤鬱猶未免支離其枝幹其得致用者必先度繩墨於大匠而後可以勝棟樑之士之志進取者不能致用欲就天下之英才而正之不久遊京師固無以集思而廣益也然則先生豈好遠遊哉若慷慨悲歌之士徒以遇不遇於戚戚於辭氣間者與先生相抗衡又何如耶嗟嗟彼昭君者僅僅以貌傳矣其遇耶其不遇耶今先生亦僅僅以文傳耶先生云論世者必原古人不得已之心抑知百十年後有讀先生文如余者低徊歎息想見其奇偉倜儻而有有用之志終託於無用之文為先生扼腕更曷可勝言也哉

文凡三篇燕市酒人傳先生蓋自寓云

北溪詩草采訪冊

唐詩怡情錄蛟川耆舊詩

謝含祚靖共集蛟川詩話張懋延曰含祚字靖共少承

張冥筆之所至真有方寸所不能料者

陳良佐樹德堂蛟川耆舊詩

離騷節解陳志豪蛟川耆舊詩

陳元松畱耕堂詩草陳志豪案是草許寶善為之序

張志銘詩草蛟川耆舊詩

陳元杏東苑詩草采訪冊案元杏字朱村號東苑諸生

陳元林西園詞采訪冊案元林字墨溪號西園諸生兄元杏曰西園能詩善畫精音律旁

及星家言

陳元械畱耕堂文集

蛟川耆舊詩

五於齋詩橐八卷

采訪冊集

蛟川耆舊詩作五於齋全集張本均曰詩格高邁川落凡近

京邸集二卷

蛟川耆舊詩前有癸丑自序案

車輪集二卷

采訪冊案前有癸丑自序案前

槐蔭集

采訪冊案前有甲寅自序案前

五友集二卷

采訪冊自序略甲寅秋冬得詩百數十首匯爲一集而名之曰五友所謂五友者

陶淵陳元禧先生毛穎及副墨子也

得半集

采訪冊自序略此集起乙卯春初及初夏所作得詩四十餘首俟南回續成之蓋南北於此

分途適得其半也

沈謨白玉齋詩草

陳福熙撰傳

鄭兆龍秋槎政本一卷

蛟川耆舊詩李恭渭跋曰是編文二十三首論說經史理明詣超

稽述見聞有典有則洵近今不易得之書爰同迂崖竹
生而弟較離數過付之梓人署曰秋槎跋本仍舊稱也
僅存鈔三卷蛟川舊詩門人俞飛鵬跋曰先生古
文一卷李君望賓刻之惟於詩無刊本聞
李君藏本有近體詩而無古詩即鵬向日所鈔有五古
而無七古亦非足本葉生个塘請付梓因名其集曰僅
存有收藏遺詩者郵傳寄示又當續刻焉至其詩之有
得於古與可傳於今在昔沈歸愚先生嘗推獎之非後
生末學所敢妄為稱道也

離騷本義一卷

蛟川舊詩自序曰屈子三十一篇
唯離騷最為難讀余少時業師授以林

氏西仲注林自謂古今善本并所注九章九歌顏之曰
楚辭證而予意殊多不愜因取王叔師原注閱之見林
氏所駁正者頗有然仍其誤而不改與改之而轉增其
誤者尚多焉近又得望溪樸山二方氏本樸山略詮大
意而紕繆互見望溪於義理極有發明而支離不免夫
屈子以同姓宗臣被譏見斥觀國家之曰削欲告訴而
無從憂愁悲憤以死自誓不得已而著離騷故其辭旨
多隱約迷離不可驟通所謂言之不足而著離騷故其
之不足而嗟歎之者誠國風小雅之苗裔漢魏六朝三
唐之鼻祖評註諸家各極贊揚不啻口出然如其所說

則重複顛倒乃亂雜無章之尤者而猶以屈子為古今之善鳴吾不信也閒居無聊偶取而箋釋之集舊說而折其衷者十之六棄舊說而自出己見者十之四疏通脈絡貫穿辭句即干端萬緒之中得其清絕滔滔之旨竊以為離騷之本義庶幾無大背戾然而創始為難區擇較易向非諸家毅然為之於前則如子之謾陋者雖極數十年之心力欲窺其大略而且不可得何有於其中之奧曠哉吾又以知夫後人之尸而祝之者之終有矣所在

張志熊雙桂軒詩鈔蛟川耆舊詩案志熊字漢陽懋建長子監生

林秉璇衡泉詩草采訪冊案秉璇字象衡諸生工詩善畫山水枋沈閱法

胡于錠屏山詩文章蛟川耆舊詩

胡于綱宦遊詩草鄧荃詩草案張本均有題胡綺茗宦遊詩冊詩

張本均郢荃詩草二卷采訪冊案張本均有自序曰于少時止學五言八韻詩

弱冠後叔祖雙山先生授以六朝暨唐宋各體詩讀之茫乎未有知也及再三誦誦始知其伸紙吮毫無非妙

諦或以風俗勝或以趣味勝或以神韻勝雖時代不同
意旨各異天要不越乎性情暢然自得之致顧有纏綿
排側寄託遙深亦有激昂慷慨梗概不凡譬如遊山者
據目前之山歎爲奇美及觀天台雁宕又個乎心遠況
其徧遊五嶽奇峯聳翠幽邃峭折疊嶂層巒密環顧萬狀
者乎彼固極造物之奇我得攬登臨之趣亦在學者自
爲領取耳予之爲詩亦直抒胸臆期寫性情特所心醉
者尤在中晚唐名家無何雙山先生謝世津逮闕如偶
有所作與友人訂正輒加許可因肆力於詩積年既久
所詠遂多自知候蟲之語不足當大方之誚第念半生
精力所聚不忍遽棄姑錄存之且以見雙山先生
之訓示良多而良友之取資亦不鮮也嘉慶丙子
重輯蛟川耆舊詩刊本自序曰蛟川耆舊詩先大父
虞公以後代有作者先是謝侍御公輯詩文草創僅得
三十八人爲三卷其自序以爲日薄晡晚急思就緒冀
後人踵事而增故於名公詩不無遺漏先大父重輯之
易以今名懸序詩家姓氏增爲六卷有曾經采錄者有
尚須搜訪者旋以畱都年久出宰閩南卒於官未竟其
業本念先人手澤敬謹藏弄每一披覽覺紙上勃勃有
生氣如聞警欬特是大父迄今六七十年載其間詩人又
多可采爰不揣庸陋再加搜訪奈逸士騷人往往不自

收拾致多散佚即故家舊族棄本或化為脂望或為祝融所虐未能多得倘再遲延必致先輩詩人音響無存更為可恨此後起者不能辭其責也故有全帙者不嫌多采其無專集者單章一律並皆收錄以存其人庶乎浦江之人物可徵赤城之遺詩弗墜而於先大父闕然之業亦少慰於泉下焉

先人餘韻

采訪冊案是編

樂鳴謙鶴汀詩草

蛟川書舊詩張本均

謝佑廷耐軒詩文鈔

蛟川書舊詩張本均

陳蕙績課軒詩鈔二卷

采訪冊案蕙字東之號嘯廬九

龍遊學詩石文辭大加獎譽嘉慶辛酉拔貢充實錄館
臚錄官以州判用改教職官景甯教諭縣在萬山中以
親老不克迎養為憾年五十餘即引疾歸
家居授徒遂不復出著有續課軒詩鈔

鄭良詠物詩一卷

采訪冊案良字漢師監生鄭兆龍

忠臣孝子思婦勞人所纏結於中者恆假物以發之為
興為此為賦鳥獸草木之名無詩無之然要取以道已

之性情而已未有以一詩專詠一物者天地間莫蠢於
物莫靈於人之性情迄今讀桃夭草蟲諸篇令人流連
愛慕如對其物如見其人不忍釋諸手惟有情寓乎
其間也自六朝以來或以一詩詠一物而性情隱矣陳
其物之狀言其物之用借他物以比擬之摠故實以填
塞之如射覆然顧吾以爲物亦未嘗無性情禽魚之類
本有知覺卽一草一木莫不嫵娜偏反意態迎人之態
祇解塗附刻畫其性情遂隱然則非物之靈而人之靈
實使之然也吾宗漢師學詩於予今讀諸體皆佳尤長
七言詠物雖與三百篇體裁或異而自得風雅遺意傳
神佳處每在有意無意間其始得物之性情者歟昔杜
少陵慷慨志節之士所詠畫馬畫鷹諸詩神俊英爽勃
勃紙上漢師風流情雅如不勝衣詩亦如之蓋兩人者
各以己之性情體物之性情而不相假宜隨其蓄之矩
細而拉妙絕乎古今也雖然太史公有言我以子房爲
魁梧奇偉而其狀貌乃如婦人好女漢師苟有志追古
人而從之詩之外豈無所以自
見卽以詩論亦足更上層樓矣

嚴殿霖鴻爪集

蛟川舊詩

梅花百詠

采訪冊

謝佑琦候濤山房文鈔四卷張錫路撰傳

候濤山房詩鈔十二卷張錫路撰傳

任紹曾樛齋詩草采訪冊 案紹曾字

胡宗魯二愛軒詩彙采訪冊 案宗魯字泰瞻諸生

陳景泮四明風雅集陳志

陳氏詩文彙錄陳志

邱伸二岡文鈔二卷采訪冊

陳景沛粵東歸葬錄采訪冊

邱維芝藕香莊未定彙四卷采訪冊

有正味齋駢文箋注二十四卷采訪冊

包仁義永思集二卷刊本 陸景華序曰詩三百篇旨趣匪一要歸道性情而已天下未有舍

性情而可與言詩者即未有至性至情所流露而不可與言詩者吾茲於永思集見之矣永思集者蓋四明包君帖岷藉以寫其終身孺慕之誠而非期詩鳴於時者也方君之幼而孤也則以不得見其父為恨及長而奉其母也則以不得長奉其母為恨既請旌於朝名卿學士復相與銘之歌詠之所以榮親者至矣而纏綿悱惻之意猶復形之於詩包君固不欲以詩鳴亦安可徒以詩人目之哉然三百篇之性情舍是無以歸焉

表節錄四卷

刊本 案仁義母周氏以節顯於世仁義廣徵詩文各體咸備彙為表節錄四卷末

附周氏遺訓一卷道光己亥仁義子讓泉付梓

謝篋賢秋鳴集

陳志彙 蛟川耆舊詩

朱滄鼇詩草

采訪冊

華椿逸漁唱二卷

采訪冊 案椿字友松善事母通醫術性好吟詠所作春容大雅無塵俗之氣

夏廷埴夢墨軒詩彙二卷

采訪冊 案廷埴字蒸泉嘉慶庚申舉人

胡湜胎花樓詩草二卷宋訪冊

香雪館唱和詩宋訪冊
案是編為京邸唱和之作

劉燦鳧磯集二卷宋訪冊

原書百篇蛟川續青舊詩來名家之文如原道原人等篇彙為一帙

論文二卷宋訪冊
案家傳又有補詠物詩

樂涵鴉峯詩草宋訪冊

陳景范後軒詩草宋訪冊

謝炳賢皆香樓詩草宋訪冊

王堃狀元山人詩橐宋訪冊

半農詩鈔宋訪冊

張錫路霞泉吟草二卷宋訪冊

楊夏復愚泉文鈔四卷

宋訪冊

張錫申蛟川耆舊詩續集二卷

刊本

謝錚賢詩文鈔

復莊文權

謝輔紳渠渠私草

蛟川續耆舊詩
輔紳字眉甫

案

李恭浚養軒未正草

蛟川續耆舊詩

海昌詩選

蛟川續耆舊詩

姚燮散體文酌十二卷

大梅山館藏本

駢儷文權初編八卷

刊本

駢儷文權二編八卷

刊本

復莊詩問三十二卷

刊本

瑤想集詩一卷

藏本

西滬權歌一卷

藏本

蚶城遊覽唱和詩一卷

藏本

疏影樓詞四卷

刊本

疏影樓詞續鈔四卷

藏本

玉笛樓詞二卷

藏本

蛟川耆舊詩繫三十二卷

藏本

玉笛樓詞學標準八卷

藏本

今樂府選五百卷

藏本

胡濱緘石集四卷

宋訪冊

吳翰晚廬賸稿

煙嶼樓文集
鄉號晚廬咸豐辛亥舉人

案翰字鯨

戴荃聽鵬山房詩草三卷

宋訪冊
行省試七薦不售益肆力於詩

所作多奇險語後
姚燮釐其詩為三卷

胡孝棠珠光劍氣集四十卷

宋訪冊 案孝棠字鰲伯優貢生是集采輯明季忠義之

士詩文經三十年
之久始克成編

胡邁凌伯遺藁二卷

宋訪冊 案邁字凌伯濱子汪忠銘傳略凌伯入塾受書日誦千言十

一歲解吟詠會西夷陷定海感憤時事得詩數十首年十七卒卒後姚燮見其遺藁釐為二卷

袁謨望挾樓詩草

宋訪冊 案謨字唐堦廩貢生

陳大任運甓齋詩文集二卷

宋訪冊

鄭傳銛寄夢廬詩集二卷

宋訪冊

虞氏畱愛編

宋訪冊 案虞氏諸生延仔女拔貢生張懋延之妻能詩有畱愛編海昌張致恭為之序

卒年十二歲

僧梅夢詩集

宋訪冊 案謝國賢序梅夢瑞巖寺僧

紹隆和中峯梅花百詠宋訪冊 案紹隆字梅巖邑之潘

書所交多知名士寺遭回祿紹隆募資重新之有兩友
二人曰綱端日遇安皆能詩寄居洞山與紹隆相唱和

附錄

元

丁鶴年海巢集一卷元志補 案全祖望海巢記謂鶴

國朝

鄭元成伴潮吟天恩集 謝泰宗序曰夫大塊噫氣噓而

是時已矣噓而為風故有調調刁刁之響其於潮也亦若
章也乃觀水者必觀其潮於是見文章有原委非徒泄
尾問猶日星也古今才士其文章有從政事見者有不
從政事見者其分殊合一之理亦猶潮之聲與風之聲
而已玉汝鄭侯來自東溟其與海潮澎湃之聲頡頏之
形既耳月之久矣茲復於聽治之暇締思而有得也若
謂是潮也與日旋而何往來不失其度隨月減而何盈
縮不違其時詢非無情之物也其號乎惡知其不有抑

而未伸者其怨乎惡知其不有悍而未馴者其層折紆
奏乎惡知其不有顛踣而未得平復者軫惻民勞濤聲
如應何敢予之捷也因是而推之政事裕如矣夫坐堂
皇司百里命小民咨嗟煩苦何息不迴環於此衷亦猶
夫潮之九萬里而南爲也將使海波底平安堵興歌每
一念至百慮交集矣況日與此茫然千頃者共披對乎
因是推之文章又靡不裕如矣兩間一氣相感也萬象
一情相注也情至而無情之物化爲有情凡山川道里
風雨晦明酬應之所寓皆歷歷堪與晤語試讀侯之詩
有若號者有若怒者有若層折紆奏者硃磳之音彷彿
從十指間出侯亦不自知其文之生於情也此伴潮吟
之作語語因民情而寫己情又即己情而變現爲物情
文章政事於我侯徵其合若此然則昔言詩者以窮愁
彌工其說何居乃侯三年牧定拮据兵荒無日不坐窮
愁中若兩袖朝天侯豈以此言窮愁哉余知侯之工於
詩知其工於窮愁而已雖然山水之間可以移情謂其
令人忘之也若侯以潮而發吟吟而欲與之伴豈
其鍾情正在我輩乎民之不能忘也所自來矣

海邑仁聲錄

案謝天愚山人集有題鄭
玉汝明府海邑仁聲錄詩

徐鳳垣遊靈峯山詩一卷

果堂
文鈔

遊烏石山詩一卷

果堂文鈔

李鄴嗣遊靈峯山詩一卷

果堂文鈔

遊烏石山詩一卷

果堂文鈔 鄴嗣曰余年三十從霜
皋徐子遊靈峯烏石諸山各有詩一

卷

林氏雙烈編

蛟川詩話

案邑令喬鉢表林氏雙烈立石

伊巢編付梓梓山一時好義之士皆為詩文以張之張學
為善也善在幽隱則日月弗能覩善在匹夫匹婦則王
公大人弗克殫其蘊以其所從來之地微也故為之修
之美猶幽蘭之生不以無人而不芳如草木之長於
天唯松柏獨也豈藉人知之人見之誦說誇美焉
也惟是彝好有同心千百世而下猶能聞風高義親
炙懿行者乎故弔屈原之忠即身棲於澤畔傷其
孝若足側乎嚴霜斷臂免汚剔日示信切切乎
惜肅在心此無他人之秉彝好是懿德矣蛟川林氏兩
姊妹懼為亂卒所污一時投縵以死此固性行有之耳
計無復之而以身為殉耳不則輕生好名而致此偶然
意氣者也余為推求之是三說者咸於林無當士君子

網常負躬樂師友之陶助乃有臨歧途而罔知所屬者
豈天之界賦或殊且羞惡皆有在二氏者不必獨厚也
當就死者患尚未及誠以爲既及而圖則弗及耳豈真
計畫無復之乎殘形毀體尙冀苟全於人世何樂乎卽
以身爲殉爲善有好多名之嫌非所論三代以下此藐焉
巾幗者何知備美可求卽以爲名心之務去然彼昏不
知名之所在夷然而罔顧者竟奚哉是三說誠於林
無當而吾以爲大有當於二節婦也天下事可相勸而
成者多矣唯大命所止父不得之子君不强之臣卽士
大夫誦讀所求已難施諸臨事況平日講究所未習者
哉苟非性行有之必有煩解說於旁參惑躊躇於反顧
者矣古來死忠死孝者大抵志氣顚愚者也彼其意中
推有此君父恩夷陟險以爲無可奈何而安之若命節
婦死在難前不堪計及難後事以他避旣不免以力拒
則不能何從用再計哉副笄固無青史之願見人之可
羞可愧者未嘗不四體若浼焉此亦名根之所伏矣一
當事變而伏者以起猶之矢激則遠水激則躍也節婦
豈以名爲嫌哉夫揚光日月者常藉幽隱以施其照而
王公大人往往不及匹夫匹婦之名美則傳法貴焉節
婦洵可法矣而掄誦諸章洵俱可傳者乎吾嘗見騷人
逸客醉心月露風雲而扶義植節或罕致辭又虧於大
義心違而言是奚詩卷之足重今卷集中若清河張子

明山楊子皆節婦流亞也九原有知一言華袞矣人能
以節婦之行自反庶幾事君免為不肖臣事父免為不
肖子乎甯但操觚有益附名姓於青雲之上乎然則諸君之為節婦頌咸足自頌者矣

周家齊渠成集

蛟川詩話 張懋延曰邑侯周家齊濬江
北河渠三月工竣侯喜而為之詠邑中縉

紳學士相與和歌好事者彙之成集云

喬汝駕詩一卷

蛟川詩話 張懋延曰喬侯汝駕山右人
簿書之暇畱情風雅有詩一卷皆令吾邑

時所作

謝賡昌輓詩一卷

刊本

無名氏蛟川竹枝詞

煙嶼樓藏本 案是棄不著撰人姓
名前有小序云余滄洲人也歲壬子

隨先大父寄居鎮海云云
是定海人嘗客鎮海者